

2019



Kimmuinnaq timmisartumik aqqutit

TIMMISARTUMIK AQQUTISSALIINISSAMUT TUNNGAVIGISASSAT

INEQARNERMUT ATTAVEQAQATIGIINNERMULLU NAALAKKERSUISOQARFIK SULLILLUGU VISIOBOX-IMIT
SULIARINEQARTOQ

Imaasa allassimaffiat

1	Naatsumik eqikkaaneq	3
2	Nassuaammut tunngaviusut	4
2.1	Tunngaviusoq	4
2.2	Oqaluttuassartaa – Kimmuinnaq timmisartumik aqqutit	4
2.2.1	Aqqutit allat	6
2.2.2	Oqaluttuarisaanermi ujartuineq.....	6
2.3	Ilimagisat.....	7
3	Tapiiffingeqanngitsumik ingerlatsinissamut tunngavissat.....	8
3.1	Timmisartumik aqqutissanut suut kajumilersitsippat	8
3.2	Timmisartumik aqqutissaliinermut tunngavigisat	8
3.2.1	Niuerfik/Ujartuineq	8
3.2.2	Inissanik pissarsisinnaaneq	9
3.2.3	Atorluaanerup annertussusaa.....	10
3.2.4	Akitigitarvik aalajangersaaneq aamma ilaasut akuleriaat.....	11
3.2.5	Kiffartuussinerup annertussusaa	12
3.2.6	Aningaasartuutit	12
3.3	Avatangiisit avataaniittut.....	12
3.4	Iluatsitsilluarnissamut tunngavissarititaasut.....	14
3.5	Inatsisitigut killissaliussat	14
3.6	Immikkoortumi inerniliussat	16
4	Attaveqaqtigiinnerup ineriartortinneqarnerani pisortat aallussinerat	17
4.1	Akitsuutinik akiliinissamut tapersiisut.....	17
4.2	Kiffartunneqarnissamut isumaqtigiiissutit	18
4.3	Amigartooquteqarnissamut qularnaveeqqut.....	19
4.4	Nittarsaassinermut ikiunneq/tapersiineq.....	19
4.5	Annertussutsinik pisinissaq qularnaarneqartoq	20
4.6	Ingerlatsinermi sullississutini sullissinernilu akitillisaanerit	20
4.7	Ilusiliat allat	21
4.8	Pisortat peqataaneranni killilersuutaasinnaasut aarlerinaataasinjaasullu	22
4.9	Immikkoortumut inerniliussat	23
5	Attaveqaqtigiinneq	24
5.1	Kalaallit Nunaanni mittarfinni attaveqaqtigiinnerup ineriartortinneqarnissaannut piumasaqaatinut killissaliussat	24
5.2	Mittarfiit nutaamik ilusiligaanerat	24
6	Niuernermi pissutsit	25
6.1	Kalaallit Nunaanni piumasaqassuseq.....	25
6.1.1	Niuerfinnik misissuineq	25
6.2	Amerikap avannaanut piumasaqassuseq.....	26
6.3	Silaannakkut angallasseqatigiiffiit aalajangersimasumik soqtiginninnerat	27
7	Inerniliussaq	28
8	Ilanngussat	29
8.1	Innersuussiviit allakkiat aamma atuagassiat	29

1 Naatsumik eqikkaaneq

Kitaani nunanut sanilitsinnut ilaasunut nassiuissanullu aqqutissanik pilersitsinissaq sulissutigineqassasoq, Naalakkersuisooqatigiinnissamut isumaqatigiisummi 2018-imi oktoberimeersumi isumaqatigiissuteqartut isumaqatigiipput. Tamatuma saniatigut Kalaallit Nunaannut timmisartumik aqqutissanik ineriertortitsinerup ummarissarnissaata tunngavissinnissaanut tunngavigisassat allakkiami matumani misissorneqarput.

Kalaallit Nunaannit piffissami 1979-2001-imi, 2007-imi aammalu piffissami 2012-2014-imi amerikami avannarlermi ornigassanut ukioq tamaat imaluunniit ukiup ilaani aalajangersimasunik aqquteqartarsimavoq. Taakkua ilaasoqarniarnikkut nassiuusatigullu ujartuisoqannginnera pissutigalugu attatiinnarneqarsinnaasimannngillat. Pingartumik Canada-mut attartukkanik suli timmisartuuussisoqartarpoq, kisianni amerikap avannarliup nunavittaanut aalajangersimasunik aqquteqarani.

Island aamma Danmark aqquaarlugit Kalaallit Nunaannukarusullutik ujartuisarneq 2016-imi illi nalinginnaasumik 6 %-imik annertusisoq misigineqarpoq (2014-imi illi). Taamatuttaaq amerika avannarlermit Kalaallit Nunaanni ornigassanut angalasut amerlisimasut misigineqarpoq, tamannalu ukiuni aggersuni amerikamut avannarlermut ornigassanut timmisartumik aqqutissaliinissamut tunngavissaqqilersinnaasoq ilimagineqarneranut, tunngavissaasinnaavoq.

Timmisartumik angalanermut suliassaqarfik akisussaaffigilerlugu tiguneqarsimannngilaq, kisianni timmisartumik angalanermut isumaqatigiissutit Danmarkip USA-mut aamma Canada-mut isumaqatigiissutigisimasai tunngavigneqarlutik. Kalaallit Nunaannit Amerikami avannarlermi ornigassanut aqquteqarluni imaluunniit attartortarneq aallaavigalugu timmisartuussisalernissamut inatsisitigut imaluunniit politikkikut aporfissaqanngilaq. Taamaattumik aqqutissaliinissamut taamaallaat tapiiffigineqanngitsumik ingerlatsinissamik isumaliutersuuteqartoqartussaavoq, tassani pisisinnaalluartunik peqarnersoq pingarnertut tunngavissaassalluni. Aqqutissamik aallartitseqqaarneq, aallarnisaareernerup kingorna ingerlatseqatigiiffiup aqqutini ingerlatani lu allani angusinnaasaannut naapertuuttumik timmisartumik angallassisarfiutileqatigiiffimmut isertitaqartitsilersonnaassaaq.

Timmisartumik aqquteqarnerata iluatsitsiviulluarnissaanut tunngaviusut ilaatigut tassaapput issiavimmut kilometerimut/tonkilometerimut ataatsimut agguaqatigiissillugu isertitaqarnissaq aammalu aallarnisaareernerup kingorna annertusartortitsiinnarnissaq. Timmisartumik angalanissamik ujartuineq, inuiaqatigiinni allanik ingerlataqarneq apeqquataalluni, malittaasumik ujartuineruvoq. Timmisartumik angalaneq imminermini pilerinaateqanngilaq, kisianni ingerlataqarnissamut tunngavissiilluni, soorlu ornigassani aqquteqarnerani ilaatinneqartuni niuerneq, tunisassiorneq, takornariartitsisarneq, naalakkersuinikkut atassuteqarnerit, eqqussuineq/avammut nioqquteqarneq il.il.

Namminersorlutik Oqartussat timmisartumik aqqutissanik nutaanik aallartitsinermut ikuunnissamut arlalinnik periarfissaqarput. Mianerisassaq pingaruteqartoq tassaavoq, niuerfinni aqtsisusuut qanoq annertutigisumik uummarissarneqassanersut aammalu taakkua qanoq annertutigisumik aporfiltersorneqassanersut, assersuutigalugu timmisartumik angallassisarfiutileqatigiiffinni ineriertornissamut niuernermik tunngaveqartumik ingerlatsinissamut kajumissaataarutsitsinikkut.

Nunani tamalaani aqqutissanik aallartitsinissamut qanoq tapiissuteqarsinnaanermut tunngatillugu inatsisitigut arlalinnik killiliisoqarpoq. Tassalu Kalaallit Nunaat ingerlatassanik aallartitsinermut ikuunnissamut annertuunik periarfissaqarluartoq, tamanna niuerfinni aammalu ornigassani aqqutissaqalersitsinissamik kissaateqarfigineqartuni ujartuinermk malitseqassasoq naatsorsuutigineqarsinnaanngilaq.

Tapiissuteqarnissamut ilusiliinermi ilaatigut ilaapput kiffartuunneqarnissamut isumaqatigiissutit aamma amigartooruteqarnerut qularnaveeqqusiusat, Kalaallit Nunaanni attaveqaqatigiinnermi ilisimaneqareersut, kisianni aamma akitsuusiinnginnerit, Namminersorlutik Oqartussat ingerlatseqatigiiffiutaannit sullissinerni akikillisaanerit, nittarsaassinernut tapersiinerit aamma inissanit neqeroorutigineqartunit annertussutsinik pisinerit, tassani toqqaannartumik pisortat suliaqarnissaasa annertussusaa nikerarluni.

2 Nassuaammut tunngaviusut

2.1 Tunngaviusoq

Aqqutinik ineriertortitsineq pingaartumik timmisartumik angallassisarfiutileqatigiiffiit aamma/imaluunniit mittarfiit tapiiffigineqanngitsumik ingerlatsinissamik soqtiginninneranneersuussaaq, kisianni niuerfiup imaluunniit sumiiffiup aalajangersimasup tikkkuminarnerulersinnejcarnerani inuiaqatigiinni aningaasaqarnikkut iluanaarutissat annertummata, pisut ilaanni inerartornerup tunngavississinnaanissa aamma/imaluunniit uumarissarsinnaanissa Naalakkersuisunut pingaaruteqarsinnaavoq. Tamanna toqqaannartumik imaluunniit piumasaqaatinut timmisartumik angalanermut suliassaqarfimmi atuuttunut killissaliussat pitsangorsarnerisigut pisinnaavoq.

Kalaallit Nunaannut timmisartumik angalanissamik ujartuinerup nalinginnaasumik annetsusiartornerata 2014-imiilli ukiumut 6 % missaaniissimanera aallaavigalugu, kimmuinnaq (Amerika avannarleq) timmisartumik aqqutinik nutaanik pilersitsinissamut tapiiffigineqanngitsumik ingerlatsinissamut suut tunngavissaanersut aammalu timmisartumik aqqutissanik ineriertotsinissamut atugassarititaasunut killissaliussat suut atuunnersut, allakkiami matumani nassuarneqarpoq.

Timmisartumik angalanermut suliassaqarfip ineriertortinnejcarnerani inuiaqatigiinni aningaasaqarnikkut iluanaaruteqarnerit ilaatigut makkununnga naatsorsorneqarsinnaapput¹:

- Mittarfinni aamma timmisartumik angallassisarfiutileqatigiiffiini ingerlatat, timmisartumik angalanermut suliassaqarfimmi toqqaannartumik aammalu timmisartumik angalanermut suliassaqarfimmi aningaasarsiorfiusartuni toqqaannannangitsumik sunniinerit aqqutigalugit, suliffissanik pilersitsisarput
- Timmisartumik aqqutissanik neqerooruteqarneq sulinngiffeqarlutik angalasunut aammalu sulillutik angalasunut iluanaaruteqartitsisarpoq
- Timmisartumik angallanneq Kalaallit Nunaannut tikkkuminarnerulersitsissaaq, nunami aningaasaqarnikkut siuariartornermut aamma suliffissaqartitsinermut pitsasumik pingaaruteqartumik.

Timmisartumik aqqutissanut nutaanut suut kajumissuseqalersitsinersut aammalu sutigut Naalakkersuisutut uummarissaasoqarsinnaanersoq aamma/imaluunniit timmisartumik aqqutissanik nutaanik ineriertotsinermut tunngavissisoqarsinnaanersoq, misissorneqarnissaa nassuarneqarnissaalu, nassuaammi matumani siunertaavoq. Nunatta tikkkuminarnerulersinneratigut Kalaallit Nunaata nunarsuarmi nunarsuarmioqataaleriartorfiusumi tikkkuminarnerulersinnissaa politikkikkut kissaatigineqarpoq.

2.2 Oqaluttuassartaa – Kimmuinnaq timmisartumik aqqutit

Piffissami qaninnerusumi, Namminersornerulernerup 1979-imi eqqunneqarnerata kingornanut killilerneqartartumi, piffissani sivisunerusuni pingaartumik Canada-mut aalajangersimasumik timmisartumik aqquteqartarsimavoq, assigiinngitsunik ataqtigissitsiviusumik timmisartuussisoqartarsimalluni. Tassunga ilanngutissapput attartorneq aallaavigalugu aqquteqartarnera suli takussaasartoq.

Piffissaq	Ornigassaq/Angallavik	Oqaluttuassartaa aamma Taamaatinneranut pissutaasoq
1979-1981	Nuuk – Iqaluit (attartugaq)	Attartukkamik aqqutip, timmisartoq Hawker Sidley minnerusoq First Air-imeersoq atorlugu ingerlanneqarnissaa, Nuummi mittarfimmi nutaami ajornarunnaarsimavoq, kisianni aqqutinut nutaanut ikaarsaarnerup malitsigisaanik unissimalluni (takuuk immikkoortup tullia)
1981-2001	Nuuk/Kangerlussuaq/Thule – Iqaluit/Ottawa (ukioq tamaat aamma ukiup ilani aalajangersimasumi)	Aqqut/aqqutit Bradley Air Services / First Air assigiinngitsunik ataqtigissitsiviusuni, ukiut ingerlaneranni allanngorarsimasuni, soleqatigalugit atuussimapput. Ilaatigut aqqummi Kalaallit Nunaannit Danmarkimut ukiumi ataatsimi timmisartuussissarneq ilaasimavoq aammalu piffissap annertunersaani Pituffimmi sakkutooqarfimmumt timmisartuussinermut ilaatinneqarsimalluni.

¹ Innersuussivik 2016, Transport- og Bygningsministeriet “Timmisartumik angalanerup Danmarkimut inuiaqatigiit aningaasaqarneranni pingaaruteqarnera”

		Aqqummi/aqqutini nassiussat ilaasullu angallanneqarput, kisianni aqqut pingaartumik nassiussanit akiliiffingeqartarsimasoq (Kalaallit Nunaannut eqqussineq) annertuumik malunnartoqarpoq. Ukiut tuusintilikkaat nikinnerisa missaanni pisiniariaatsinik allanngortitsinermi, aqqutip atuunnerat taassumalu niuerermik tunngaveqartumik ingerlanneqarnissaanut tunngaviusut tunngavissaarupput. Piffissami aqqutip atuunnerani ukiuni ikittuinnarni sinneqartoorteqarfivoq. Aqqummi, aqqutip sumut ingerlanera apeqqutaalluni Boeing 727, Dash-7 aamma Hawker Sidley atorlugit timmisartuussisoqartarsimavoq. Iqaluit aamma Kangerlussuup akornanni aqqummi ukioq tamaat ingerlatsisoqarpoq (ilaatigut Pituffimmi sakkutooqarfuiup sullinneqarnerata ilaatut), Nuup aamma Iqaluit akornanni aqqummi aasaanerani aqqummik tapertaqartitsisoqarajulluni.
2007	Kangerlussuaq – Baltimore/- Washington DC (ukiup ilaani aalajangersimasumi)	Aqqut Joint Committee-mi suleqatigiinnerup 2005-imi aallartinneqartup kingunerisaanik politikkikkut kajumissaarutaavoq. Aqqummi Air Greenland-imi Boeing 757-200 aammalu timmisartoq Boeing 757-200/300 amerikamiunit ATA-mit attartorneqartoq, atorlugit timmisartuussisoqarpoq. Timmisartoq taamaattoq minnerpaamik 200-inik issiaveqarpoq, tassanilu aqqummik aallartitsinissamat inissat amerlavallaarujujussuarput. Aqqummi ingerlatsineq akisuujusimavoq aammalu nittarsaannissaanut missingersuutit killeqarsimallutik. Sioqqutsisumik niuerfissavimmik pilersitsisoqarsimanngilaq aammalu aqqut annertuumik amigartoorteqarfiusimalluni, ujartuisoqarpiarsimanilu. Air Greenland paassisutissiivoq aqqut aqqutip ingerlanneqarnerani piffissap aappaani ² 15,1 mio. koruuninik amigartoorteqarneremik malitseqarsimasoq. Aqqut 2007-imi aasaanerani taamaallaat ammatinneqarsimavoq aammalu aqqummi timmisartukkut nassiusinissaq periarfissaasimanani.
2012-2014	Nuuk – Iqaluit (ukiup ilaani aalajangersimasumi)	Soqutiginninnerup annertusiartornerani aammalu aatsitassarsiornermut suliassaqarfimmi ingerlatat annertusiartorneranni Nuup aamma Iqaluit akornanni aqqut aasaanerani aqqutitut ammaaqqinnejqarpoq. Siunnerfigineqartut tassaasimapput aatsitassarsiorluni misissuineremik suliaqartut, ukiut tamaasa Amerikap avannarliup aamma Kalaallit Nunaata akornanni sulisut aamma atortut assartornissaannut attartorlutik timmisartuussinermik atuisartut. Aqqut ukiumi siullermi nutaarsiassani soqutigineqarpoq, kisianni annertusiartortitsisoqarsinnaasimanani. Aqqutip pilersinneqarneranut tunngavissat ilaattut Iqaluit aamma Nuup akornanni aqqummut tapersiiviusussamik Newfoundland-imi St. Johns aamma Iqaluit akornanni mittarfimmit minnerusumit annerusumut Canadami nutaamik aqquteqalerpoq. Mittarfimmit minnerusumit annerusumut aqqut taanna Provincial Airlines-imit suliaqarfingeqartussaasimasoq, piviusungungisaannarsimavoq. Aqqummi aningaasaqaqnerermut annikitsuinnaasutut isiginninnej aallaavigalugu killilimmik matussusiisussamik aningaasartuit

² <http://sermitsiaq.ag/baltimore-aqqut-matuvoq>

annikinnerpaatinnerat aallaavagineqarsimavoq, aammalu aalajaatsumik annertusiartornissaa ilimanarani aqqt 2014-ip kingorna atorunnaarsinnejarpooq. Aqqut 2015-imik angallaviusussap tungaanut unitsikkallarneqarmat paasissutissiisoqarpooq aqqt ukiut pingasut ingerlareerneranni ukiumut 0,8 mio. koruunit missaannik ukiumut amigartoorteqarfiusimasoq³.



(NB. Kortet er ikke sat i en ensartet målestok)

Illusiliaq 1: Kalaallit Nunaata aamma amerikap avannarliup nunavittaata akornanni toqqaannartumik timmisartumik aqqutaasarsimasunut takussutissiaq

2.2.1 Aqqutit allat

Amerikamiut sakkutuuni timmisartortartut Pituffimmi Sakkutooqarfeqarnerani, pilersuinissaq aamma sulisunik taarsiisarnissaq siunertaralugit akuttunngitsumik USA-mut timmisartuussisarput. Timmisartuussinerit taakku tamanut ammasuunngillat.

Ilaatigut 1960-ikkunni Kangerlussuaq SAS-ip København-imiit Los Angeles-imut angallavianut ilaatinneqarpooq. Kalaallit Nunaat imminermini ornigassatut inisisimangilaq, kisianni ikummatisamik orsorsornissamut teknikkikkut uniffissatut pisariaqarsimalluni.

2.2.2 Oqaluttuarisaanermi ujartuineq


Timmisartumik ilaasut Kalaallit Nunaanni mittarfinnut timmisartunneqartut inuaassusaat, Kalaallit Nunaanni ukiorpassuarni nalunaarsorniarsarineqartarsimavoq. Amerikamit avannarlermit (USA & Canada⁴) ujartuineq takutinniarlugu pifissamut 2015-2017-imut⁵ ilaasut Kangerlussuarmiit, Ilulissanit aamma Nuummit, tamarmik nunani tamalaanit mittarfiusunit, aallartut aallaavigalugit naatsorsueqqissaarnerit⁶ pissarsiarineqarput.

³ Takuuk ilatigut UPA 2017/103 suliap nr. 2017-8089

⁴ Kisitsisit 2016-imi marts iluarsivigineqarpooq, tassami Nuummi Arctic Winter Games 2016 USA-mit aamma Canada-mit immikkut ittumik ilaasorpassuaqarnermit malitseqarsimammat. Marts-imi kisitsisit 2015-imi aamma 2017-imi qaammat taanna aallaavigalugu naleqquttumik annertussusilerlugu iluarsineqarput

⁵ stat.gl.

⁶ Malugiuk, inuaassutsit agguarsimaneerannut tunngatillugu 2017-imut kisitsisit naatsorsueqqissaarnerit eqqortumik takutitsinngitsutut isigineqanngissinnaammata, ilatigut ukiunut siusinnerusunut sanilliullugu ilaasut nalunaarsorneqanngitsut amerlavallaarmata



Ilusiliaq 2: USA-mit aamma Canada-mit oqaluttuarisaanermi ujartuineq Kangerlussuarmi, Ilulissanit aamma Nuummit ilasut aallartut uuttuutigalugit

2.3 Ilimagisat

Allakkiami matumani pingaarnertut ilimagineqartoq tassaavoq, Kalaallit Nunaat nunarsuarmi nunarsuarmioqataaleriartoriusumut ilaasutut kimmuinnaq timmisartuussisarnissamut periarfissaqaqqilersinnaanera ilimanartoq.

1. Ataatsumut isigalugu Kalaallit Nunaannut timmisartornissamik ujartuineq annertusiartorpoq, USA/Canada tungaanut aqqutinik nutaanik ammaanissamut niuernermik tunngaveqartumik tunngavissaqarnermik malitseqarsinnaasumik
2. Ilaatigut Nuummi aamma Ilulissani nutaanik mittarfittaardeq, Kalaallit Nunaata aamma Amerikap avannarliup akornanni timmisartornissamut soqutiginninnerulernermik malitseqassasoq naatsorsuutigineqarsinnaavoq
3. Kalaallit Nunaannit timmisartoq aqqutigalugu avammut nioqquteqarneq, pingaartumik aalisarnerup iluani, aqqutinik nutaanik ujartuinermut peqqutaaqataasinnaavoq
4. Oqaluttuarisaaneq aallaavigalugu Amerikami avannarlermi Kalaallit Nunaannut aqqutinik tapiiffigineqartunik soqutiginnittoqanngilaq, taamaattumik tapiissuteqartoqassappat taakkua taamaallaat Kalaallit Nunaannit nammaneqassallutik

3 Tapiiffigineqannngitsumik ingerlatsinissamut tunngavissat

3.1 Timmisartumik aqqutissanut suut kajumilersitsippat

Timmisartumik angalanissamik ujartuineq allanik ingerlataqarnissamit pisuusarpoq, taamaaliornermi timmisartumik angalaneq imminermini assartuineruinnartarluni. Taanna imminermini pingaarutilimmik soqtiginaeqanngilaq – inuit imaluunniit usit timmisartoriaannarluni timmisartortanngillat, kisianni ornigassamut ingerlataqarfiusussamut imaluunniit pisariaqartinneqartumut apuunniarluni timmisartortoqartarluni. Taanna malittaasumik ujartuineq angalasup assingusumik imaluunniit allanik sullineqarnissamut allatut perarfissaqarnerinut ataqtigiissinneqassaaq, assersuutigalugu ataatsimeersuarnermi peqataanissamut IT atorlugu perarfissaqarneq, imaatigut assartuinissaq, allamik ornigassamik toqqaanissaq il.il.

Taamaattumik timmisartumik aqqutissanut ammaanissamut kajumissaarutaasut, ingerlatani aqqutini ornigassani tamaginni ingerlanneqartussaniittussaapput. Tassaasinnaavoq suliaqarluni ingerlatsinermut tunngasut imaluunniit sunngiffimmi/sulinngiffeqarnermi sammisassat, assersuutigalugu ornigassamut takornariatut tikeraarluni. Nunanit tamalaanit aqqutissaq ornigassat marluk aningaasaqarnikkut assigiinngitsunik najukkami ineriartortsiviusut akornanni aqqutaasinnaammat, maluginiassallugu pingaaruteqarpoq – assersuutigalugu imaassinnaavoq aningaasaqarnermi siuariartoqartoq, kisianni allami kinguariartoqarluni imaluunniit allangortoqarani.

Inuaqatigiinni niuerfinni aningaasaqarnermik ingerlataqarfiusuni timmisartumik angalanernik ujartuineq, inuaqatigiit aningaasaqarneranni aammalu nunap BNP-an (Bruttonationalprodukt) nalinginnaasumik ineriartornermut attuumassuteqaqqissaartussaavoq. Naliliisoqarpoq timmisartumik angalanernik nunarsuarmi ujartuinerup ungasissumut siuariartornerata 2/3-ia tikillugu, nunarsuarmi BNP-ip annertusiartorneranut toqqaannartumik attuumassuteqartoq. Taamaattumik BNP-imi aamma timmisartumik angalanernik ujartuinermi ineriartorneq, aammalu timmisartumik angalanerup annertusiartornerata BNP-ip annertusiartorneranit annertunerusussaanerat, imminut toqqaannartumik attuumassuteqarput.

Attaveqaqatigiinnermi aningaasaaliineq, assersuutigalugu mittarfinni, siuariartornerup ujartuinerullu ingerlanerannut tapersiisinhaavoq, kisianni aallaavatigut tunngavissaqanngereersnut siuariartortsisinnanaanani. Attaveqaqatigiinneq nutaaq angalasup aningaasartuutaannik appasinnerulersitseqataassappat, tamanna ujartuinerunermik pilersitsissaaq, tassami akit appasinneruppata tamanna ujartuinerulernermik malitseqassasoq naatsorsuutigineqarmat.

3.2 Timmisartumik aqqutissaliinermut tunngavigisat

Matuma kinguliani allaaserisat tamakkiisumik allattuinerusussatut eqqarsaatigineqanngillat, kisianni tunngavigisani arlalinni pingaaruteqartuni, timmisartumik aqqummik nutaamik pilersitsisoqassanersoq tamannalu sumi pisanersoq nalilersuinermi ilaalluni, tikkuussisuuginnassallutik.

3.2.1 Niuerfik/Ujartuineq

Timmisartumik aqqutissamik pilersitsinissamut tunngavigisassaq pingarnerpaaq tassaavoq piumannitoqarnersoq aammalu akileerusuttunik ujartuisoqarnersoq. Niuerfissaq nunap sumiiffianut aamma innuttaasut katitigaanerisigt taamaallaat nassuiarneqarsinnaanngilaq, taamaattumik USA-mi inuit +300 mio. najugaqartut tunngavilersuutigissallugu imminermini ujartuinermut imaluunniit niuerfimmut nassuaassutaasinjaangilaq, kisianni arlaannulluunniit tunngassuteqanngitsumik oqaatigineqaannarsinnaalluni. Nunami sumiiffimmi niuerfiup iluani pisariaqartitsisoqassaaq, timmisartumik aqqutissamut tunngavissiisinjaasutut uumarissaasinnaasutullu ujartuisitsilertussamik. Tamanna *ilaatigut* tassaasinnaavoq:

- Nioqqutissanik eqqussuineq/Avammut nioqquteqarneq
- Niueqatigiinnerup malitsigisaanik sulillutik angalasut
- Sammivinni tamaginni takornariarlutik angalasut
- Ilinniartitaanermi suleqatigiinneq
- Naalakkersuinikkut attaveqarnerni politikkikkullu attaveqatigiinnerit

"City-pairs"-inut tusaamasaasunut, tassa imaappoq aqqutit imaluunniit niuerfiit, assersuutigalugu København-London, ujartuinerpiamik aammalu akileerusussuseqartunik nalilersuinissaq ajornanngitsumik

perarfissaqarpoq, city-pairs-inut nutaanut aammalu tusaamaneqalereersimanngitsunut, soorlu assersuutigalugu Sisimiut-Keflavik, ingerlatassat ujartuinerterik pilersitsisinnaasut sukumiinerusumik misisoqqissaarneqarnissaat pisariaqartinnejartussaalluni. Taamaattumik timmisartumik angallassisarfiutileqatigiiflik amerlanertigut niuerfiusinnaasut angissuserisinnaasaannik nalilersuinialluni niuerfimmi misissueqqissaartariaqartussaavoq. City-pairs ingerlallualereersimasut angallannermut paasisutissanik nalunaarsukkanik pisinissamut perarfissaqarput, city-pairs nutaat pisussaartitsinissamik pisariaqartitsisarlutik.

Ujartuinerup missingersuiffigineqarnerani nalilersorneqarneranilu, aamma akiliuumassuseqarneq nalilersorneqartapoq. Naatsorsuutigineqarpoq sulillutik angalasut takornariarlutik angalasunit akiliuumassuseqarnerusartut. Taamaattumik Kalaallit Nunaannut aqqutit ikittuinaat, ujartuinermi anusinngortitsisussatut isikkoqannngitsunik akeqartitsisoqassappat, takornariarlutik angalasuinnarnit nammanneqarsinnaasarput. Timmisartumik nassiussat amerlanertigut ujartuinermut tamarmiusumut tapertaasussaapput, aammalu Kalaallit Nunaanni eqqussuineq aamma avammut nioqquteqarneq oqimaqaqtiginnigimmata, aqqutissaq aallaaviatigut nassiussat annertussusaat ilisimaneqartut aallaavigalugit, timmisartumik nassiussaniinnaaq nammanneqarsinnaassanngilaq. Aammattaq timmisartumik nassiussalerinermik pilersitsinermut, ingerlasussanik piareersaasartunut uiguleriaartunut, pisiniariaatsinik allangortitsinermut ilaalu ilanngullugit aningaasartuutit, aqqutinut ukiup ilaannaani ingerlasartussanut qaqutiguinnaq naapertuuttarput, taamaattumik timmisartumik nassiussat annertusitinnissaannut ummarissaanialluni ukioq tamaat aqqutissanik pilersitsinissaq pisariaqartinnejartussaalluni.

Ujartuisoq uteqattaartuuusimasinnaavoq aamma/imaluunniit sammiviup aappaani ujartuinermit pingaartumik pisuuusinnaalluni. Timmisartumik nassiussinissamik ujartuineq sammiviup aappaani nalinginnaasumik annertunerussaaq, tamannalu Kalaallit Nunaanni pisarpoq, ilaasunik timmisartuussineq amerlanertigut siumut utimullu billetsinik aallaaveqassalluni, taamaalillunilu sammivinni marluusuni tamaginni ujartuinermit qulakkeerissallutik. Niuerfinnik nutaanik naliliiffigineqartut annertuut tassaasarput nunap timaaniittut ("catchment-area"), tassa imaappoq mittarfiup eqqaani ilaasut aggerfissaanni sumiiffiup annertussusaa. Nuummi Mittarfik aallaaviatigut innuttaasut illoqarfimmi najugaqartut 18.000 missaanniillupput⁷. Kalaallit Nunaanni angallannerup ilusaa ukiorpassuit ingerlaneranni allanngussasoq naatsorsuutigineqarpoq, taamaalillutik Nuuk aamma llulissat siunissami angallannikkut eqiteriffiulissallutik, taamaaliornermi taakkua nunatai annertuumik annertusissallutik aammalu illoqarfiiq eqqaanniittut llulisanut aamma Nuummut pitsaunerusumik aqquteqalertussatut naatsorsuutigineqartariaqartut, annertunerusumik ilaatinneqalissallutik.

Nalilersuinerit taakkununnga assingusut nunani allani ornigassanut nutaanut tunngatillugu ilimagineqartariaqassapput, taakkunani nunataasa annertussusaata aammalu mittarfimmukarsinnaanerup saniatigut aamma ilaasut mittarfimmik atuinissamik piumassuseqarnerat atuisinnaassuseqarnerallu nalilersorneqassalluni.

3.2.2 Inissanik pissarsisinnaaneq

Timmisartumik aqqutissaliisinnaanissamut pisariaqartoq tassaavoq timmisartunik atorneqanngitsunik (inissat), aammalu timmisartunik naleqquttumik angissusilinnik pissarsisinnaaneq. Kalaallit Nunaanni timmisartuutigineqartuni pingaartumik DHC8-Q200, 37-it tikillugit ilaasoqarsinnaasoq, Air Greenland-imit aamma Air Iceland-imit atorneqartoq, aallaavigineqarpoq. Timmisartoq angallavinni naannerusuni mittarfimmit annerusumut minnerusumut atugassatut eqqarsaatigineqarsimavoq aammalu nunanit tamalaanit angallavinnut takinerusunut atugassaqqigani. Taamaattumik maannakkorpiaq kimmuinnaq aqqutit ilanissaannut, ataasiakkaat eqqaassanngikkaanni, Kalaallit Nunaanni pitsaunerpaamik timmisartuuteqartoqanngitsoq tunngavilersuutigineqarsinnaavoq. Kangimut-kimmut, nalunaaquttag nikingassuteqarnera tunngavissaatillugu timmisartortarnissaq eqqarsaatigalugu, nalunaaquttag nikingassuteqarnera atoruarniarlugu kimmuinnaq aqqutissap kangianiit (tassa imaappoq Kalaallit Nunaanniit kimmuinnaq timmisartorluni) aallartissinnaanissaa, iluatsitsilluarnissamut pisariaqarpoq. Ilusiliineq taamaattoq ilatigut Air Greenland-ip København-ip aamma Kangerlussuup/Narsarsuup akornanni angallavianit ilisimaneqarpoq. Timmisartut tassani Danmarkimit aallaaveqarput tassanngaaniillu aallartarlutik.

⁷ Sanilliukkaanni Københavnimi Mittarfiup nunataani Sjællandimeersut, Fyn-imeersut, Jylland-ip ilaaneersut aammalu Sverige-p kujasinnerusortaaniittut inuit 4,3 mio.-inik amerlassuseqarput.

Taamaattumik aqqutit ilanissaannut timmisartuutnik atuinissamut tunngatillugu isummersornerit, timmisartunut nutaanut aamma timmisartunut aalajangersimasunut, allatut iliuuseralugu attartornissamut imaluunniit atortunik attartornissamut isumaqatigiissutinut aningaasaliinissamut pisariaqartitsinermik naliliinernik ilaqaqtinneqassapput. Taakkua aqqutissamik aallartitsiniarnermut annertunerusumik aarlerinartoqartitsissapput aningaasartuuteqartitsissallutillu.

Timmisartumik angallassisarfiutileqatigiiffik timmisartuutimi ilaannik atunngisaqarpat, taanna sapisngisamik pitsaanerpaamik isertitaqarsinnaanissamut periarfissaqarfiusut aallaavigalugit sumi atorneqalersinnaanersoq nalilersuisoqassaaq. Nalilersuinermi tassani aamma ukiup ilaani nikerartoqartarneranut tunngasut isiginiarneqassapput – timmisartumik angallassisarfiutileqatigiiffiit amerlanersaasa ukumi qaammatit pingasukkaat aappaasa naalernerani aamma qaammatit pingasukkaat pingajuanni timmisartuutiminnik atorluaanerusarput, piffissap taassuma avataani amerlanertigut atunngisaqartarlutik. Naleqquttumik niuerfissarsisinnagaanni nammineq niuerfimmit piffissatigut allaanerusumi ujartuiffigineqartartumik, tamanna pilerinaateqassaaq, tassami ukiup ingerlanerani tamanna timmisartuutnik pitsaanerusumik atorluaaffiusussaammat.

Ujartuineq ilaatigut timmisartumik angallassisarfiutileqatigiiffiup akigititanut politikkiatigut piffissat ujartuiffigineqannginnerusartut tungaannut uumarissarneqarsinnaavoq.



Ilusilaq 3: Qaammatisiutit malillugit ukiup ataatsip ingerlanerani timmisartumik angalanissamik ujartuisarneq nalinginnaasumik pisartoq (piviusuunngitsunik saqqummiineq)

Piffissap angalaffiunerpaasartup avataani, timmisartut tamakkerlutik sulisinneqannginneranni aammalu aningaasartuutit aalajangersimasut (attartorneq/nalikilliliinerit, sillimmasiinerit, aserfallatsaaliuineq il.il.) matussusernissaannut isertitaqarfiusangitsumi aningaasartuutit arlallit, piffissami angalaffiunerpaasartumi ujartuisarnerup annerpaaffissaa aallaavigalugu timmisartumik angallassisarfiutileqatigiiffiup timmisartuutaannit nammameqartarput. Taamaattumik isertitassat pingarnerit piffissami angalaffiunerpaasartumi pissarsiarineqassapput aammalu aningaasaqarnikkut tunngavissat qularnartillugit aqqummik nutaamik sullisisinnaanissaq kisiat eqqarsaatigalugu timmisartuutit ilanissaat timmisartumik angallassisarfiutileqatigiiffimmut pilerinaateqartussaanngilaq. Tamatumunnga aaqqiissutissaasinnaavoq piffissani timmisartumik inissanik attartorneq – assersuutigalugu aqqutissap aallarnisarnerani ingerlatseqatigiiffik nammineerluni aqqummi illersorneqarsinnaasumik atorneqarsinnaasunik atorneqanngitsunik peqanngippat.

3.2.3 Atorluaanerup annertussusaa

Air Greenland-imi ullumikkut aqqutini angallannermi issiaviit neqeroorutigineqartut 80,8 %-ii atorneqartarput (2017-imut ukiumoortumik naatsorsuutit), tamannalu nunarsuarmi nunanik sanilliussinermi 79 % missaannik annertussusiliinerup annertoqqatigaa⁸. Tamakkiinerusumik atuisoqarpat tamanna ingerlatseqatigiiffiup break-even-imik naatsorsuineranut naapertuuttussaassagaluarpoq. Taamaattumik akigititanik aalajangersaaneq aalajangiisuuvoq aammalu atuinerup annertussusaa kisimi aalajangersimasunut tunngassuteqanngitsumik

⁸ Takuuk IATA – International Air Transport Association

tunngavissaasinaanani. Inissat 85 %-iisa atorneqarneranni ujartuineq appassasoq ilimagineqarpoq, pissutigalugu ilaasut ulluni angalaffigerusutani angalasinnaannngikkunik allanik periarfissarsiulessammata imaluunniit angalanissaq taamaatiinnassallugu. Taamaattumik pitsaasumik atorluaaneq 75 aamma 85 % akornanniiittussaavoq. Taamaattumik aqqummi nutaami unammillersinnaassuseqartumik annertussusilimmik akeqartitsilluni ukiorpassuit iluanni taamatut annertussuseqalersinnaassasoq ilimagineqartariaqarpoq. Aqqutissami nutaami atorneqarneranut isertitaqarnissamullu siunnerfiit ukiut pingasut iluanni anguneqarajupput.

3.2.4 Akigititanik aalajangersaaneq aamma ilaasut akuleriaat

Sullitat "akiliuumassuseqarnerat" tunngavissaavoq pingaaruteqartoq, qanoq akeqartitsinermi aqqutip aalajangersimasup ingerlanneqarsinnaaneranut sunniuteqartartoq. Assersuutigalugu Iqaluit aamma Nuup akornanni ujartuineq qiviaraanni, angalanissamut maannakkut periarfissatut ilusiliami aningaasartuutit aallaavagineqarsinnaapput, tassa imaappoq toqqaannartumik attartukkamik timmisartuussinermi imaluunniit Ottawa, Toronto, Island/Danmark aamma Kangerlussuaq aqquaarlugit angallavimmi timmisartumik angalanermi. Assersuummi tassani Nuummiit Iqalunnut angalaneq silaannakkut angallasseqatigiiffiit assigiinngitsut atorlugit ingerlanneqartussaavoq, aammalu Kangerlussuarmi, Keflavikimi, Torontomi Ottawamilu timmisartunut allanut nuuttoqartussaalluni. Angalaneq immaqa nalunaaquttag akunnerisa 20-t missaannik sivisussuseqartussaavoq aammalu soorlu 25.000 koruuninik akeqartussaalluni. Nuup Iqaluillu akornanni toqqaannarlugu timmisartuussineq akunnerit marluk missaanniissaq. Taamaattumik piffissaq sipaarutaasinnaasoq akunnerit 18 missaanniippu. Taamatut pisoqartillugu ilaasussaq nalunaaquttag akunnerini marlunni timmisartunneqassaguni 25.000 koruuninik akileerusussinnaassasoq eqqarsaatigineqarsinnaavoq, angallavissaq takisooq atorlugu taamatut akiliinissamut piumassuseqareerami. Taamatut akeqartitsinermi, taannaannaq isigalugu aqutissamik nutaamik pilersitsinermi annertusiartortinnissaanut kajumissuseqalersitsinavianngilaq, aammalu angalasunut ikittuaraannarnut naapertuulluartuusinnaalluni. Akinik aalajangersaanermi ilaatigut ilaasup piffissamik sipaaruteqarnissaa, unammilleqatigiinnermi inisisimaneq, ilaasut allamik aqutissarsiorissamut periarfissaqarnerat, ujartuinerup annertussusaa, aqqummi aningaasartuutissat, timmisartumik taamaattumik aqutini allani aningaasarsiorsinnaanermut sanilliullugu pilliutigineqartunut aningaasartuutit, ilaasut katitigaanerat (sulinngiffeqarlutik aamma sulillutik angalasut imminnut atassuteqarnerat) aammalu tamakkiisumik isigalugu aqqutip sullitanut naleqartitsilersinnaanera, aallaavigalugit timmisartumik angallassisarfutiileqatigiiffik akeqartitsiniarsarisussaavoq. Akinik aalajangersaaneq pisariusuuvoq aammalu aqqummi qanoq akeqartitsisoqassanersoq tunngavissat amerlasuut apeqquatasarput.

Timmisartumik angallassisarfutiileqatigiiffiup angallavissanik nutaanik nalilersuinermi, ilaatigut timmisartumik atorneqanngitsumik sumi angalatitsinissaq aningasaqarnikkut pitsaunerusinnaanersoq isummersorneq aallaavigalugu, aqqummi qanoq akeqartitsisoqarsinnaanersoq misissoqqissaartussaavaa. Amerlanertigut akigititanik neqerooruteqarneq assigiinngiaartussaasarpooq, taamaattumillu ilaasut akuleriaarnerat agguaqatigiissillugu akigititamut aalajangiisiusussaalluni. Aqqummi pingartumik inuussutissarsiorrlutik angalasunik sullissiviusumi, amerlanertigut aqqummit pingartumik sulinngiffeqarlutik angalasunik sullissiviusumit, akigititat qaffasinnerutinneqarsinnaasarput.

Timmisartumik angallassisarfutiileqatigiiffik oqaatigineqareersutut angallavinni sapinngisamik qaffasinnerpaamik isertitaqarfiusinnaasuni pisinnaasaminik atuilissasoq ilimagineqartariaqarpoq.

Oqaluttuarisaanermi kalaallit kimmut nunanut allanut akigititaat:

Ukioq	Angallavik	Akit aalajangersarneqartut (siumuinnaq – akitsuutit ilanngunnagit)
2012-2014	Nuuk-Iqaluit	Allanngortinneqarsinnaasoq: 4.340 DKK Allanngortinneqarsinnaanngitsoq: 2.055-2.895 DKK
2007	Nuuk-Kangerlussuaq-Baltimore/Washington	Akisuneq, allanngortinneqarsinnaasoq: 9.320 DKK Allanngortinneqarsinnaasoq: 6.350 DKK Allanngortinneqarsinnaanngitsoq: 3.870 DKK

3.2.5 Kiffartuussinerup annertussusaa

Aqqutissap nutaap pilerinaateqarnissaanut aammalu ujartuiffigineqarneranik ingerlatitseqataanissaanut sullissineq pitsaassuseqartinneqartussaavoq, paasillugu ornigassanut pilerigineqartunut attaveqartussaavoq (toqqaannartumik imaluunniit toqqaannannngitsumik), aalajangersimasumik amerlassusilinnik tikittartussaasaq aammalu ingerlatassanut tunngavissiivigisaanut naleeqiullugu aallarnissamut pifssat pilerinaateqartussaassallutik. Aallaaviatigut aqqummi sapaatip akunneranut aallartarnerit marluusariaqarput, tassami sapaatip akunneranut ataasiaannarluni aaallartoqartarpal, aqqutissanut aamma assartueriaatsinut allanut ujartuisoqarunnaarsinnaammat. Aqqutissami iluatsitsilluartarneq ilutigalugu timmisartumik angallassisarfiutileqatigiiffik akulikinnerulersitsilluni annertusitisisinnaavoq.

3.2.6 Aningaasartuutit

Aqqutissamut aningaasartuutissat isertitarineqarsinnaasunut, minnerunngitsumillu timmisartumik angallassisarfiutileqatigiiffiup aqqutini ataqatigiissuni sumiiffinnut allanut timmisartumi inissaqartitsisinnaanissaanut, naapertuutariaqarput. Taamaattumik timmisartumik angallassisarfiutileqatigiiffiup aqqutissamik nutaamik nalilersuinerani, aqqutissap nutaap malitsigisaanik qanoq aningaasartuuteqartoqassanersoq, pissusissamisoortumik naliliiffigineqartussaavoq. Tassunga ilanngullugu oqaatigineqassaaq, Kalaallit Nunaannut timmisartornermi mittarfimmut ilaasunullu aningaasartuutit qaffasittarmata, aningaasartuutit annertussusaannut taamaalillunilu atuisunut akigititanut sunniisarlutik, taamatullu ornigassanut isorliunerusuniittunut timmisartornermi arlalinnik suliaqarneq killilersuiffigineqarsimmasinnaavoq, timmisartumik angallassisarfiutileqatigiiffiup usisinnaasaminik, taamaalillunilu inissanik tunineqarsinnaasunik annikillisitsisariaqarneranik malitseqartumik (tassa imaappoq timmisartumi issiavissat tamarmik tunineqarsinnaassanngitsut).

3.3 Avatangiisit avataaniittut

Inuaqtigiinni, nunami namminermi nunarsuarmilu tunngavissat avataaniittut arlallit, timmisartumik aqqutissamik nutaamik pisariaqartitsinermut sunniuteqartussaapput. Ataatsimut isigalugu najukkami nunarsuarmilu aningaasaqarnerup ineriartornera tunngavissaasussaavoq pingaaruteqartoq, taamatullu periarfissat killiliisartullu, politikkimiissinnaasut inatsisiiniissinnaasullu, isigniarnissaat pingaaruteqarpoq. Matuma kingulianiittoq takussutissiaq *tamakkiisunut takutitsisuunngilaq*, kisianni 2019-imi nalilersuineq aallaavigalugu qulequttat ilaatigut aqqutissanik nutaanik pisariaqartitsinermut sunniuteqarsinnaasut, ilaatigullu aqqutissanik nutaanik pilersitsisinnaanissamut tunngavigisassat, arlallit suussusersineqarput. Tunngavissat taaneqartut arlallit tassaassapput qulequttat timmisartumik angallassisarfiutileqatigiiffit aqqummik aallartitsinissamut nalilersuineq sioqqullugu misissueqqissaarnerminni pingaartissimasaat. Malugiuk allattukkani periarfissat/tunngavigisassaaqqissut aammalu killilersuutaasinnaasut ilaatinneqarmata.

POLITIK AAMMA INATSISILERINEQ

- ✓ USA-mut/Canada-mut qaninnerusumik attaveqalernissaq pillugu Kalaallit Nunaanni politikkikkut kissaateqarneq
- ✓ Canadami Nunavummut attaveqaatit qanittut, kulturimut tunnganerusut. Kalaallit Nunaata aamma Nunavut akornanni paaseqatigiinermut isumaqtigiissutinik (memorandums of understanding) suleqatigiinnissamullu isumaqtigiissutinik assigiinngitsunik peqarpoq.
- ✓ Kalaallit Nunaata qulaanni silaannartaq pillugu oqallinneq ingerlasoq – Island vs Canada – siunissami aqqutissap sukkoortarnissaanut aningaasartuutinullu sunniisinnavaavoq
- ✓ USA-mi aamma Canada-mi aqqummik aallartitsinermi qularnaveeqqusiiernik (bonds), isumannaallisaanernut ilusiliinernut il.il. pilersitsinermut annertuunik aningaasartuuteqarneq. Tamatumunnga aningaasartuutit aqqutissami periarfissaqarfiusunut naapertuutissapput.
- ✓ USA-mut/Canada-mut silaannakkut eqqussuinermi/avammut nioqquuteqarnermi killilersuinerit annertuumik aningaasartuuteqarfiusartut
- ✓ USA-mi maannakkut naalakkersuisusut atuunneranni visum-inut nunamullu isernissamut killilersuinerit USA-mut angalanissamik ujartuinermut sunniuteqarnerlussinnaapput

- ✓ Nunavut-mi naalakkersuisut aamma Naalakkersuisut akornanni politikkikku siunertanut isumaqatigiilluni pilersaarerit assigiinngitsut pipput
- ✓ Timmisartumik angalanermut aamma nunanut allanut suliassaqarfitt Kalaallit Nunaata akisussaaffigilerlugit tigusimanngilai aammalu akuersissutinut, immikkut ittumik akuersinissamut il.il. naggataatigut aalajangiisinnaatitaaneq nunani allani oqartussaniippoq
- ✓ Danmark USA-mut aamma Canada-mut immikkut timmisartumik angalanernut isumaqatigiissuteqarpoq, Kalaallit Nunaat ilaatinneqarluni
- ✓ Immikkut timmisartumik angalanernut isumaqatigiissuteqarnerit pitsasut Kalaallit Nunaata aamma USA-p/Canada-p akornanni aqqutissaliinissamut politikkikku akimmiffissaliinngillat. Kalaallit Nunaat EU-p avataaniippoq, taamaattumillu EU-p aamma USA-p/Canada-p akornanni timmisartumik angalanernut isumaqatigiissutini pineqartunut ilaanani, kisianni taamaallaat immikkut isumaqatigiissutit malittussaallugit, tamatumta malitsigisaanik aqqutinut akuersissuteqarnerit pingaartumik allaffissornikkut suleriaaseqarfingineqassallutik, politikkikku sulianik ingerlatsisoqartussaanani.
- ✓ Inuiaqatigiinnut Kalaallit Nunaanniittutut ittunut tikikkuminassutsimik pitsangorsaanagermi inuiaqatigiit aningaasaqarneranni iluanaarutissaqarpoq, tamannalu kajumissuseqalersitsinissamut ilusiliinernut tunngavisseeqataanissamut politikkikku kajumissaataasinnaavoq.

ANINGAASAQARNEQ

- ✓ Kalaallit Nunaanni aningaasaqarneq siumukarpoq aammalu BNP qaffakkiartorluni
- ✓ Kalaallit Nunaanni mittarfinnut akitsuutit qaffasipput, tamatumalu aqqutissat nutaat pilerinaateqannginnerulersippai aammalu ornigassatut unammillersinnaassuseqannginnerulersitsilluni
- ✓ Euro-p aamma koruunip amerikamiut aamma canadamiut dollarianut naleqiqunneqarnera ilaatigut timmisartumik angallassisarfiutileqatigiiffiit aningaasartuutaannut ilaatigullu niuerfinni pineqartuni ujartuinermut sunniisussaavoq.
- ✓ Kalaallit Nunaannut ilaasut piffissami angallaffiunerpaasumi ukiumut 9-15 %-imik amerleriartarput
- ✓ Amerikamit avannarlermit Kalaallit Nunaannut ilaasussat ujartuinerat annertusiartorpoq
- ✓ Kalaallit Nunaanni aamma Kalaallit Nunaannut/Kalaallit Nunaannit aamma Island-imit niuerfiup pioreersup aningaasarsiutigineqarsinnaasup annertusiartornerata aqqutinut/nauerfinnut nutaanut pisisinnaassuseqannginnerusunut atorneqannngitsunik pisinnaasaqarneq killilerneqarsinnaavoq
- ✓ Kalaallit Nunaanni suliffeqarfitt Amerikami avannarlemeri ingerlataqartut arlaqarput
- ✓ Kalaallit Nunaata aningaasaqarnera namminersortut ingerlataqarnerisa annertusiartornerisa malitsigisaanik ataatsimoortumik tapiissutinik pinngitsuuisinnaannginneruleriartorpoq
- ✓ Nunap avataani aallartitsinerni ingerlatat amigartoouteqarfiusartut, ingerlatat timmisartumik angallassisarfiutileqatigiiffimi Kalaallit Nunaanni angerlarsimaffeqartumit ingerlanneqarsimappata, aningaasaqarnikkut nunami angerlarsimaffigisami nammaneqassapput

ISUMAGINNINNERMUT TUNNGASUT

- ✓ Kalaallit Nunaanni nunassittarnerup siamasissuunerata malitsigisaanik, illoqarfinni nunami pingaartumik nunanit allanit mittarfiit eqqaanniittuni innuttaasut katersuussimanerat annikippoq. Nunanit tamalaanit mittarfiit eqqaata nunataata annertusitinnissaanut attaveqaqtigiinneq tapertaasussaq pisariaqartinneqarpoq.
- ✓ Nunami nammineremi nunap timaa killeqartoq. Innuttaasut ikittuonnaat Danmarkimut qanimut atassuteqarnerisa malitsigisaanik Amerikamut avannarlermut attuumassuteqartumik nunami nammineremi niuerfeqarneq killeqarpoq
- ✓ USA aamma Canada tassaannngillat niuerfiit 1-2, kisianni tassaanerupput niuerfiit 50-init amerlanerusut, akuliuffiginissaat akisunerusinnaalluni

TEKNOLOGI

- ✓ Kalaallit Nunaata kitaani ornigassanut aalajangersimasunut aamma maannakkut Kalaallit Nunaanni timmisartuutinut ETOPS-inik⁹ pisariaqartitsineq, nunani tamalaani aqqutinik annertusitsinissamut naleqqutingissinnaavoq (taamaattoq nalunaqaqtap nikinganera pissutaalluni Amerikamut avannarlermut aqqutini Kalaallit Nunaat aallaavigalugu timmisartuussisarnissaq iluaquitissartaqarpoq, tassa imaappoq kangianiit kimmuinnaq)

⁹ Extended Twin Engine Operations – timmisartut marlunnik motoorillit atorlugit ungasinnerusumut timmisartornissamut akuersissut/immikkut ittumik akuersissut

- ✓ Kalaallit Nunaanni mittarfinni pioreersuni timmisartut suussusaannut tunngatillugu killilersuuteqarpoq (mittarfiup takissusaa)
- ✓ Timmisartut nutaaliat ataatsimut isigalugu ungasinnerusumukarsinnaasarpuit aammalu Kalaallit Nunaat siusinnerusukkut pisartut paarlattuanik, assersuutigalugu USA-p aamma Europa-p akornanni angallavinni takinerusuni pissusissamisoortumik uniffigineqartanngilaq

Ilusiliaq 4: PEST-immi tunngavigisat

3.4 Iluatsitsilluarnissamut tunngavissarititaasut

Aqqutissamik pilersitsinissamut iluatsitsilluarnissamut tunngavissarititaasut imaluunniit kisitsisitigut paasissutissat ilaatigut imatut eqikkarneqarsinnaassapput:

ILUATITSILLUARNISSAMUT TUNNGAVISSARITITAASOQ	IMAA
Isertitaqarneq	Qanittoq isigalugu aqqtut imminut nammassinnaassaaq, kisianni piffissap aallarnisarfiusup naleqquttup ingerlanerani, ukiut pingasuungajuttumi, aqqtut nutaat nalinginnaasumik isertitaqartitsisinnaassaaq aammalu matussusiinissamut pissarsiviusinnaassalluni aammalu timmisartumi issiavimmut tunineqartumut ataatsimut agguaqatigiissillugu isertitaqarnermi siuariartortoqassalluni.
Atorluarneqassusaa	Timmisartumik angallassisarfiutileqatigiiffiit ilaatigut inissanik neqeroorutigineqartunik atorluaneq aammalu taassuma isertitaqarfigineqarnera uuttortartarpaat. Angallavimmi iluatsitsilluartoqassappat, taakkua marluk siumukartariaqarput, tassa imaappoq piffissap aallarnisarfiusup ingerlanerani, ingerlatseqatigiiffiup angallaviinut periusissaanullu allanut sanilliunneqarsinnaasumik atorluarneqalereersimassaaq, taamatullu taassuma isertitaqarfigineqarnera inissat qanoq atorluarneqarsinnaagaluernerannut tunngatillugu sanilliunneqarsinnaallunilu illorsorneqarsinnaassalluni.
Ujartuinerut annertusiartornera (ilaasut aamma/imaluunniit nassiussat)	Aqqutissami siuariartornissaq tunngavissinneqassaaq aammalu siuariartitsinermut piffissami aallarnisarfiusumi aqqummut ujartuinerup annertusiartornera takuneqarsinnaalluni, tamatuma kingorna siuariartitsiinnarnissamut periarfissaqarluni, siuariartortitseqataaguni pitsaassalluni.
Sinneqartooruteqassuseq/ Iluanaaruteqassuseq	Aqqtut ingerlatat allat imaluunniit pigisat nalillit ingerlatseqatigiiffiup aningaasaliivigisinnaasai assigalugit aningaasaliineruvooq. Taamaattumik ingerlatassami sinneqartoorutaasinnaasut ingerlatseqatigiiffiup suliffeqarfimmini periusissiaanut aammalu sinneqartooruteqarnissamik piumasaqataannut tulluartuussapput ¹⁰ .

Ilusiliaq 5: Iluatsitsilluarnissamut tunngavissarititaasut

3.5 Inatsisitigut killissaliussat

Timmisartumik angalanermut suliassaqarfik aamma nunanut allanut suliassaqarfik Kalaallit Nunaata akisussaaffigilerlugit tigusimanngilai, taamaattumik Kalaallit Nunaata isumaqatigiissutit akuersissutilu danskit tungaannii isumaqatiginninniutigineqarsimasut tunniunneqartartullu, pinngitsoorsinnaanngilai. Danmarkip EU-mi ilaasutut timmisartumik angalanermut isumaqatigiissutit EU-p aamma USA-p Canada-llu akornanni isumaqatigiissutigineqartut, malittussaavai. Kalaallit Nunaat EU-mi isumaqatigiissutini taakkunani

¹⁰ Air Greenland minnerpaamik 8 %-imik ataatsimut katillugu sinneqartooruteqartarnissamik piumasaqateqarpoq, takuuk ingerlatseqatigiiffiup ukiumoortumik nalunaarusiaa, tamannalu aamma ingerlatani ataasiaannartumik pisuni ingerlatsisoqarsinnaanersoq naliliinermut tunaartarineqarsinnaavoq.

pineqartunut ilaanngilaq, kisianni Danmarkimut aammalu USA-mut Canada-mullu immikkut isumaqtigiissuteqarluni.

Danskit/kalaallit aamma amerikamiut/canadamiut timmisartuutileqatigiiffisa Amerikap avannarliup aamma Kalaallit Nunaata akornanni aqqutini timmisartuussisinnaanissaanut timmisartumik angalanermut politikkikkut aporfissaqanngilaq, kisianni suliaqarnermut piumasaqaatit arlallit, ilaatigut Federal Aviation Authority-mit (FAA), Transport Canada-mit (TC), Trafik-, Bygge- og Boligstyrelsen-imit (TBST), European Aviation Safety Agency-mit (EASA) allanillu aalajangersagaasut timmisartumik angallassisarfiutileqatigiiffiit naammassisimasussaassavaat.

Danmarkip aamma Kalaallit Nunaata akornanni immaqalu aamma Canada-mut aqqummi timmisartuussinerit paarlattuanik USA-mut aqqummi akigititat aallaaviatigut oqartussanit akuerineqartussaanngillat, taamaattoq timmisartumik angallassisarfiutileqatigiiffinnik allanik codeshare¹¹ atuutsillugu timmisartuussisoqassappat, timmisartumik angallassisarfiutileqatigiiffiit akornanni akigititat ataqtigiissaarneqarnissaat pisariaqartinneqarluni, attartorluni angalanermut akigititanik nalinginnaasumik akuersissuteqartarnerit aalajangersimasut aamma akigititanik nalunaarutiginninnerit ilaanatik, tamatumani lu nunani pineqartuni oqartussat ilaatinneqartussaallutik.

USA

Tunngaviusoq tassaavoq danskit USA-mut immikkut isumaqtigiissutaat 1944-imeersoq 1995-imi allanngortinneqartoq. Kalaallit Nunaannut tunngatillugu, danskit/kalaallit ingerlatseqatigiiffiat timmisartuussinissamut pisinnaatitaaffeqalissappat, amerikamiut ingerlatseqatigiiffiup taamaaqataanik aamma pisinnaatitaaffilerneqassasoq, Danmarkip Namminersorlutik Oqartussat sinnerlugit uppernarsarsinnaassavaa. Akuersissut atorneqassasoq, piumasaqaataavoq.

Timmisartumik angallassisarfiutileqatigiiffik toqcarneqartoq amerikameersuuppat imaluunniit Danmarkimeersuuppat/Kalaallit Nunaanneersuuppat aammalu allatigut FAA-mit aamma/imaluunniit EASA/TBST-imit suliaqarnermut teknikkikkullu piumasaqaatit tamaasa naammassisimallugit, aammalu isumaqtigiissut naapertorlugu timmisartuussisinnaanissamut toqcarneqarluni (*ilisarnaaserneqarpat*) angallannermut pisinnaatitaaffeqalernissamut maannakkut anigorniagassaqanngilaq.

Canada

Tunngaviusoq tassaavoq danskit Canada-mut immikkut isumaqtigiissutaat 1989-imeersoq¹² 1997-imi allanngortinneqartoq. Suleriaaseq USA-mut timmisartuussinermut suleriaatsip assingaa, aammalu piumasaqaataasussaq tassaassaaq illuatungaani Namminersorlutik Oqartussat aamma danskit naalagaaffiata, aammalu illuatungaani canadamiut oqartussaasuisa (Canada Transportation Agency – CTA) akornanni qanimit ataqtigiissaarisoqassasoq.

Air Greenland nalinginnaasunut ingerlatsinissamut akuersissutinut pigisaminut ilaatillugu Canadami ornigassanut aalajangersimasunut angallavinnut akuersissutinik peqareerpoq.

Timmisartumik angallassisarfiutileqatigiiffik toqcarneqartoq Canada-meersuuppat imaluunniit Danmarkimeersuuppat/Kalaallit Nunaanneersuuppat aammalu allatigut CTA/TC-mit aamma/imaluunniit EASA/TBST-imit suliaqarnikkut teknikkikkullu piumasaqaatit tamarmik allatigut naammassineqarsimappata, aammalu isumaqtigiissut naapertorlugu timmisartuussisinnaanissamut toqcarneqarluni (*ilisarnaaserneqarluni*) angallannermut pisinnaatitaaffeqalernissamut maannakkut anigorniagassaqanngilaq.

Attartorneq

¹¹ Codeshare tassaavoq timmisartumik angalanermi suleriaaseq nalinginnaasoq, tassani timmisartumik angallavik timmisartumik angallassisarfiutileqatigiiffimmit ataatsimit sullissivigineqarluni, kisianni ingerlatseqatigiiffinni arlalinnit ilisarnaatertik allallugu nittarsaanneqartarluni – Air Greenland-ip ilisarnaatigaa "GL" aammalu codeshare-imi, assersuutigalugu canadami First Air, ilisarnaataa "7F", timmisartuussinermi ataatsimi timmisartumik angallassisarfiutileqatigiiffiup aappaanit sullissivigineqartumi ingerlatseqatigiiffiit marluk tamarmik ilisarnaatai allassimassallutik, taamaalilluni ingerlatseqatigiiffinni marluusuni timmisartunneqarnissamut pisisoqarsinnaalluni.

¹² Isumaqtigiissutaaqqaartoq 1949-imi isumaqtigiissutigineqarpoq

Attartukkamik timmisartuuusinerit aqqummi aalajangersimasumik angalanissaq neqeroorutigineqartangnilaq, kisianni aalajangersimasumik akuttussusilinnik tulleriissaartunik sivisunerusumi ingerlanneqarluarsinnaalluni. Taamaattoq Danmarkimi BL¹³ 10-1 inissat qanoq amerlatigisut ammasumik tuniniaanikkut neqeroorutigineqarsinnaanersut (annerpaamik 30 %) aammalu inissat qanoq amerlatigisut attartukkamik timmisartuuusinermi pingaarnertut suliarineqartussanut/sullitanut tunngatinneqassanersoq, killilersuisussaavoq. Tassa imaappoq aqqummi timmisartuuusinerit paarlattuanik inniminneeriaatsimi nalinginnaasumi (assersuutigalugu Amadeus, Sabre allallu) inissanik tuniniaasoqarsinnaassanngilaq, kisianni angalanerit ataatsimoortitani angalanerit, ingerlatat assigisaasaluunniit ilaattut attatornermi sullitanut tunineqartussatut neqeroorutigineqarnissaat pinngitsoorneqarsinnaanani.

Ataatsimut isigalugu attartukkamik timmisartuuussinissamut, timmisartuuusinerit aallartinnissaat sioqqullugu oqartussani pineqartuni qinnuteqartoqartussaavoq. Timmisartuuusinerit tulleriissaartitat pineqartut sivisussusissaat apeqqutaalluni, qinnuteqarnissamut piffissamut killiliussaq sivitsorneqarsinnaavoq. Timmisartumik angallassisarfiutileqatigiiffik akuutinneqartoq Danmarkip aamma USA-p akornanni immikkut timmisartumik angalanissamut isumaqatigiissutip matuma siuliani taaneqartup ataani toqqarneqarsimatillugu (ilisarnaaserneqarsimatillugu), USA-mut attartukkamik timmisartuuussinissamut BL 10-1-im i maleruagassat immikkut ittut atuupput.

Aammattaaq allakkiami matumani kapitali 4-mut, pisortat tapiissutaannut inatsisitigut killiliussanut tunngasumut aallaqqaasiut takuuk.

3.6 Immikkoortumi inerniliussat

Kalaallit Nunaannit Amerikami avannarlermi ornigassanut aqquteqarluni imaluunniit attartukkamik timmisartuuusinermerik pilersitsinissamut inatsisitigut imaluunniit politikkikkut aporfissaqanngilaq. Taamaatumik aqqummik pilersitsinissamut niuerermik tunngaveqartumik isumaliutersuuteqartoqartussaavoq, tassani niuerfinni pisisinnaassuseqartoqarnera pingaartumik tunngavigneqassalluni. Aqqutissaq aallarterlaaq piffissami aallarnisarfiusumi aningasaqarnikkut imminut nammassinnaaarialruni (break-even) ingerlatseqatigiiffiup angallavimmini ingerlataminilu allani angusinnaasaannut naapertuutumik timmisartumik angallassisarfiutileqatigiiffimmut isertitaqartitsisinnaalertussaassaaq.

Ilaatigut issiavimmut kilometerimut neqeroorutigineqartumut ataatsimut agguaqatigiissillugu isertitassat aammalu ujartuinerup annertusiartornera uuttuitigineqartarput. Timmisartumik angalanissamik ujartuineq malittaasumik ujartuineruvoq, inuiaqatigiinni ingerlatat allat apeqqutaallutik. Timmisartumik angalanissaq imminermini pilerinaateqanngilaq, kisianni ingerlatassanut tunngavissiisussaalluni, soorlu ornigassani aqqummi ilaatinneqartuni niuertarfik, tunisassiorneq, takornariartitsisarneq, naalagaaffiup attaveqarnera il.il.

¹³ BL = Inuiaqatigiinni Timmisartumik angalanermut aalajangersakkat. BL-it uppernarsaataapput maleruagassat ilaannik Timmisartumik angalanermut inatsimmi inatsisitut immersugassatut aalajangersarneqartunik atuutsitsiviusut

4 Attaveqaqatigiinnerup ineriertortinnejnarnerani pisortat aallussinerat

Immikkoortumi matuma kingulianiittumi tapiissutit aamma aallarnisarnermut tapersiinerit assigiinngitsut, timmisartumik aqqutinik nutaanik pilersitsinermut tapiissutigineqarsinnaasut nassuarneqarput. Tapiissutit ataasiakkaarlugit imaluunniit imminnut ataqatigiissillugit tunniunnejqarsinnaapput. Nunarsuarmi sumiiffinni allani suliniuteqarnerit arlallit ataatsimoortinneqartarpot. Assersuutigalugu takuuq Visit Denmark-ip ataani danskit aqqutinik ineriertortsinermut suliniutaat Global Connected, nunanit allanit timmisartumik aqqutinik amerlanerusunik pilerilersitsinissamik siunertaqartut. Danskit naalagaaffiat, tikikkuminarnerulersitsineq inuiaqatigiit aningaasaqarneranni pitsasumik pissarsiaqarfiusartoq, kisianni ineriertortsineq tapiiffingineqannngitsumik ingerlasinnaassasoq, tunngavissaatillugu, suliniuteqarnernut aningaasaqarnikkut tapersiisarpoq.

Namminersorlutik Oqartussat pisortatut piginnittutut aamma Kalaallit Nunaanni oqartussaasutut pisortat tapiissuteqarnissaannut suliniutinut tunngatillugu inatsisitigut killilersuutaasinnaasut eqqumaffigisussaavaat (soorlu amigartoorteqarnissamut qularnaveeqqusiissutit, ingerlatsinermut tapiissutit il.il.).

*Unammilleqatigiinneq pillugu Inatsisartut inatsisaanni nr. 1, 15. maj 2014-imeersumi (unammilleqatigiinnermut inatsit) unammilleqatigiinnermut ataatsimiitaliaq pisortat maleruagassiaat pisortallu tapiissuteqartarneri unammilleqatigiinnermut ajoqsiisinjaappata iliuuseqarnissamut periarfissinneqarput. Taamaattumik matuma kinguliani siunnersuutinut tunngatillugu isumaqatigiissutit pisortanilluunniit iliuuserineqartut suulluunniit inatsisut tunngasortaat unammilleqatigiinnermut ataatsimiitaliamit naliliiffigisassangortinneqarsinnaapput. Tunngaviusumik neqeroorutit inatsisini atuuttuni sinaakkusiussat iluanni suliarineqarsinnaapput, kisiannili naggataagut *pissutsinik aalajangersimasunik naliliinerit aalajangersimasut* apeqquaasarmata eqqumaffingeqartariaqarput.*

4.1 Akitsuutinik akiliinissamut tapersiisut

Timmisartumik angallassisarfiutileqatigiiffik mittarfimmut timmisatuussigaangat, tamatumunnga atasumik arlalinnik aningaasartuuteqartoqartapoq, assersuutigalugu aallarnermut/minnermut akitsuutit, ilaasunut akitsuutit il.il. Nunanit tamalaanit mittarfiit ilai kajumissuseqalersitsinissamut pilersaaruteqartarpot, tassani mittarfik timmisartumik angallassisarfiutileqatigiiffinnut aqqutinullu nutaanut akitsuuteqartitsinnginnissamik neqerooruteqartarluni. Timmisartumik angallassisarfiutileqatigiiffiup piffissami aallarnisarfiusumi taamatut aningaasartuuteqartinnginnerani¹⁴ aningaasaqarnikkut piujuartussamik isertitaqalernissap tungaanut timmisartumik angallassisarfiutileqatigiiffik ikorneqartapoq aammalu aningaasartuutaasa appasitsinnissaannut iluaqusiisoqartarluni. Amerlanertigut ukiut arlallit ingerlaneranni tapiissutit annikillisikkiartuaerneqassapput, nalinginnaasumik ukiut pingasut ingerlaneranni pigajuttumik. Assersuutigalugu ukioq 1-imik 100 %-imik akikillisaasoqarsimasinnaavoq, ukioq 2-imik 75 %-imik akikillisaasoqarluni aammalu ukioq 3-imik 50 %-imik akikillisaasoqarluni.

¹⁴ "Akitsuuteqartitsinnginneq" ilaatigut aamma taaneqartapoq "nittarsaassinermut tapersiineq", kisianni matumani oqaiaatsit marluk taakkua assigiinngisinneqanngillat.

TAPERSIIVOQ	AKERLIUVOQ
<ul style="list-style-type: none"> - Amerlanertigut tapiissuteqariaatsinit allanit pisortanut aningaasartuutiffiuneraspoq - Aningaasartuutit annertussusaat ilisimaneqarput - Ilusiliineq taanna timmisartumik angalasartuni ilisimaneqarpoq - Iluatsitsilluarnissamut tapiiffigineqannngitsumik ingerlanerup annasaqaataasinnaanera kajumissuseqalersitsisinnaanerlu timmisartumik angallassisarfiutileqatigiiffimmiiginnartapoq - Kalaallit Nunaannuinnaq killilerneqassanngilaq, kisianni amerikamiut/canadamiut mittarfiini arlalinni anguneqarsinnaassasoq ilimagineqarsinnaavoq - Nunavut-mi mittafinni akitsuutit appasissumik annertussuseqarput 	<ul style="list-style-type: none"> - Aaqqissuussineq amerlanertigut piffissami killilimmi pisussaavoq - Aningaasarsiorfiit ilaannit, timmisartumik aqqutissaliinermik aningaasarsiorfeqartussanit, isertitassaqassanngilaq, assersuutigalugu Mittarfeqarfinni aammalu siunissami Kalaallit Airports A/S-imi isertitassanik annaasaqarnertut ittumik - Nunat inatsiseqarfiusut ilaanni inatsisitigut killilersuuteqassaaq, assersuutigalugu EU iluani, naalagaaffimmit tapersiinissamut killissaliussanik aalajangersaaviusumi aammalu immaqa aallarnisarnermi akikillisaanerit sivisussusissaanni - Akiliisitsinnginnissap kisimiissinnaanissaanut aningaasartuutit ilaannut malunnaateqassasoq ilimanangilaq

Ilusiliaq 6: Akitsuuteqartitsinnginnissamik nalilersuineq

4.2 Kiffartuunneqarnissamut isumaqatigiissutit

Aqqutit kiffartuussinissamut isumaqatigiissutteqarfiusut, aallaaviatigut aalajangersimasumik aqquteqarneq tapiiffigineqannngitsumik ingerlanneqarsinnaalluni aammalu timmisartuussisarnerup ingerlanneqarnissaata qulakkeernissaanut inuiaqatigiinni mianerisassaqaarluni, ornigassatut eqqarsaatigineqannngillat. EU-mi inatsisini¹⁵ tamanut aqqutinut (Public Service Obligations) tunngavigisat makkua atorneqarput:

1. *"aqqtissaq sumiiffimmi mittarfimmit sullinneqartussami aningaasaqarnikkut iisumaginninnikkullu ineriertortitsinissamut pingaaruteqarluinnartutut isigineqarpoq"*
2. *"aqqtissami, timmisartumik angallassisarfiutileqatigiiffiup niuernermk tunngaveqartumik ingerlatsinissamik soqtigisaqarnertik kisiat samminiassagunikku ingerlatsivigisassarinngikkaluagaanni ingerlaavartitsinissamut, akuttoqqatigiissumik ingerlatitsinissamut, akinik aalajangersaanermut imaluunniit inissat minnerpaaffeqarnissaannut tunngatillugu piumasaqaatinut aalajangersarneqartunut naapertuuttumik aqqummi timmisartuussinissap minnerpaaffilerneqarnissaa pisariaqarpoq"*

TAPERSIIVOQ	AKERLIUVOQ
<ul style="list-style-type: none"> - Kiffartuunneqarnissamut isumaqatigiissummi angallassisartup aalajangersimasumik annertussusilimmik sinneqartoorteqaannarsinnaanissaa, taamaattumillu pilerinaateqarnissaa, qulakkeerneqarpoq - Tapiissuteqartoq timmisartuussinermut akukilisusissanik, atugassarititaasunik il.il. nassuaanissamut inissismalertapoq, taamaattumillu taakkua niuernermk tunngaveqartumik taamaallaat aallaaveqaratik 	<ul style="list-style-type: none"> - Canadamiut/amerikamiut tungaannit Kalaallit Nunaannut kiffartuunneqarnissamut isumaqatigiissutit tunngavigalugit aqqutissaliinissaq taamatut soqtigineqartiginngilaq - Amerikamut avannarlermut aqqutissaliinissamut isumaginninnermi aningaasaqarnermilu immikkut eqqarsaatigisassaqartoq tunngavilersuutissaqarnavianngilaq

¹⁵ Ataatsimoorfiusumi timmisartumik angallannermi sullissinerup ingerlanneqarneranut maleruagassat ataatsimoorussat pillugit EUROPA-PARLAMENTIP AAMMA SIUNNERSUISOOQATIGIT PEQQUSUTAAT (EF) Nr. 1008/2008, 24. september 2008-imeersumi artikel 16-17

<ul style="list-style-type: none"> - Isertitaqartarnissamut niuernermik tunngaveqartumik ingerlatsinermi annaasaqarsinnaaneq angallassisartumut avitseqatigiiffiulluni ilusiliamik pilersitsisoqarsinnaavoq 	<ul style="list-style-type: none"> - Timmisartumik angallassisarfiutileqatigiiffik niuernermik tunngaveqartumik ingerlatsinissamut kajumissaarutaarutsinnejqarsinnaavoq - Niuerfimmi suliaqartut qarsutiinnarneqarput - Annertuumik ersarissuutitsinissaq pisariaqarpoq - USA-mi/Canada-mi inatsisinut unioqqutitsinerusinnaavoq
--	--

Ilusiliaq 7: Kiffartuunneqarnissamut isumaqatigiissutit nalilorsorneqarnerat

4.3 Amigartooquteqarnissamut qularnaveeqqut

Kiffartuunneqarnissamut isumaqatigiissut sioqqutisumik naatsorsuinernik (immaqa neqeroorummik), tapiissuteqarnissamut pisariaqartitsinerup annertussusaanik naatsorsuiffiusumik, aallaaveqartartoq taamaalillunilu aqqutissami amigartoorutissat annertussusaat sioqqutisumik nassuiarneqareertartut, amigartooruteqarnissamut qularnaveeqqut tassaavoq amigartoorutaasinnaasut ilisimaneqanngitsumik annertussuseqartut imaluunniit isumaqatigiissutigineqartumik annerpaaffissalimmik aningaasartaqartut matussusernissaannut neriorsuut. Assersuut tassunga assingusoq, pifissami imaatigut angallassinerup Air Greenland-imit aamma Royal Arctic Line-mit avillugu ingerlanneqarnerani Kalaallit Nunaanni ilaasunik angallassinermi Arctic Umiaq Line-mit aammalu Sarfak Ittuk-mik ingerlatsinermi ilisimaneqarpoq.

TAPERSIIVOQ	AKERLIUVOQ
<ul style="list-style-type: none"> - Timmisartumik angallassisarfiutileqatigiiffik ingerlatassamik nutaamik aallartitsinermi (ingerlatsinermilu) aningaasaqarnikkut annaasaqarsinnaatinngilaa - Timmisartumik angallassisarfiutileqatigiiffiup aningaasaqarnikkut annaasaqarsinnaanera immikkoortippaa, taamaalillunilu angallavinni allani amigartooruteqarnerup sunniuteqarnerlussinnaanera killilerlugu 	<ul style="list-style-type: none"> - Niuerfimmi tunngaveqartumik ingerlatsinermi annaasaqarsinnaaneq ilaatigut tapiissuteqartumiilerpoq aammalu timmisartumik angallassisarfiutileqatigiiffik niuernermik tunngaveqartumik ingerlatsinissamut ilaatigut kajumissaataarutsinnejqarluni - Niuerfimmi suliaqartut qarsutiinnarneqarput - Angallassisartup amigartooruteqarnissamut qularnaveeqquummik tamakkiisumik atuinissaa aarlerinaateqarpoq - Timmisartumik angallassisarfiutileqatigiiffiup isertitaqarsinnaanissaq qulakkerneqaangnilaq, taamaalillunilu timmisartumik angallassisarfiutileqatigiiffimmut soqtiginaateqarani - Unammilleqatigiinnermik equitsinerup kingunerisaanik inatsisitigut killissaqartitsisoqarsinnaavoq.

Ilusiliaq 8: Amigartooruteqarnissamut qularnaveeqqutip nalilorsorneqarnera

4.4 Nittarsaassinermut ikuunneq/tapersiineq

Aqqutissanik nutaanik, pingartumillu aqqutissanik timmisartuussivigineqanngereersuni aammalu ilisimaneqartumik ujartuiffigineqanngereersuni, aallartitsinissamut nittarsaassinermut annertoorujussuarmik aningaasaliinissaq pisariaqarpoq. Aningaasartuutit taakkua amerlanertigut takunngitsoorneqartarput aammalu aallaaviatigut aqqutissamik aallartitsinerni amerlanerpaani suleqataasunit arlalinnik aningaasalersuisoqartussaasarluni: Timmisartumik angallassisarfiutileqatigiiffik, Takornariartitsinermut siunnersuisooqatigiit (isuini tamaginni), Mittarfik (isuini tamaginni), pisortani namminersortunilu soqtigisaqartut assigiihangitsut allallu.¹⁶

¹⁶ Danmarki ilaatigut naalagaaffimmit aningaasalersorneqartumik pilersaaruteqarpoq taagorneqartumik "Global Connected" (2010), nittarsaassinermut tapersiisarnermik suliaqartumik aammalu timmisartumik angalanerup iluani aqqutinik aallartitsinernik

Namminersorlutik Oqartussat Kalaallit Nunaata niueqatigiinnissamut, takornariartitsinermut il.il. ornigassatut nittarsaaneqarnissaa aallaavigalugu, aqqutissamik nutaamik nittarsaassinermermi aningaasartutinut matussutissatut nittarsaassinermut tapersiinissamut piareersimassapput¹⁷.

TAPERSIIVOQ	AKERLIUVOQ
<ul style="list-style-type: none"> - Ikorsiisussanut arlalinnut agguardeqarsimasinnaavoq, assersuutigalugu (avammut nioqquteqartartut) inuussutissarsiortut, takornariartitsinermut siunnersuisooqatigiit, inuussutissarsiornermut siunnersuisooqatigiit allallu toqqartukkat. - Aningaasaqarnikkut peqataaneq killeqartoq - Niuerfimmi suliaqartuni aammalu niuernermik tunngaveqartumik ingerlatsinermi ujartuinerup piujuartussap ingerlaannarnissaanik aallaaveqartoq - Ilusiliineq atorneqareersoq, ilaatigut EU-p iluani 	<ul style="list-style-type: none"> - Niuerfimmik nittarsaassivissaqaannarnissaq pisariaqarpoq - Pissarsiaqarfianissarpiaanut tunngatillugu nakkutigiuminaassinnaavoq - Angallavimmi toqqaannartumik ingerlatsineq pineqanngilaq

Ilusiliaq 9: Nittarsaassinermut tapersiinerup nalilersorneqarnera

4.5 Annertussutsnik pisinissaq qularnaarneqartoq

Timmisartumik aqqutissamut toqqaannangitsumik tapersiisarneq aamma tassaavoq sioqqutsisumik timmisartuussinermermi inissanik aalajangersimasunik pisineq imaluunniit pisinissamik qularnaarineq. Taamaalillutik Namminersorlutik Oqartussat ujartuinermut qularnaveeqquissapput aammalu inissat atorneqarnersut imaluunniit atorneqannginnersut apeqqutaatinnagu akiliusussaassallutik. Ilusiliami timmisartumik angallassisarfiutileqatigiiffik aamma Namminersorlutik Oqartussat pisariaqartitaat naammassineqarsinnaapput, tassami kingulliullugu taaneqartoq, aallaaviatigut politikkikkut piumassuseqartoqarpat, aqqutissamik pisariaqartitsisoq ilimagineqartariaqarmat, aammalu timmisartumik angallassisarfiutileqatigiiffiup inissaqartitsinermi ilai sioqqutsisumik tunissallugit. Timmisartumik angallassisarfiutileqatigiiffiit tamatuma saniatigut siammerinerminnut tuniniaanerminnullu nalinginnaasumut ilaatillugu suliffeqarfinnut, kattuffinnut, takornariartitsisartunut angalatitsivinnullu inissani issiavinnik nassiusanullu inissanik tuniniaassapput.

TAPERSIIVOQ	AKERLIUVOQ
<ul style="list-style-type: none"> - Timmisartumik angallassisarfiutileqatigiiffimmut sullitatut inissittoqassaaq, taakkua sullitaminnut allanut suliaqernerannut assingusumik - Namminersorlutik Oqartussat nik pisariaqartinneqartunut qulakkeerinissaat - Pisariaqartitsinermut naapertuttoq 	<ul style="list-style-type: none"> - Pisariaqartitsineq toqqaannartumik takuneqarsinnaanngippat, aningaasartuutit annertoorujussuuusinnaapput - Qanoq inissaqartitsisoqarnissaa qularnaarneqarnersoq apeqqutaalluni, niuerfiup ilai aqqutissami siunnerfigineqartut niuerfissaajunnaarsinnejqaratarsinnaapput - Niuerfimmi akigititanut naapertuitinngitsumik akeqartitsinermik malitseqarsinnaavoq

Ilusiliaq 10: Qularnaveeqquummik pisinerup nalilersorneqarnera

4.6 Ingerlatsinermi sullississutini sullissinernilu akikillisaanerit

Kalaallit Nunaannit timmisartuussinermermi timmisartumik angallassisarfiutileqatigiiffiup sullississutit ingerlatseqatigiiffiit piginnituinit imaluunniit Namminersorlutik Oqartussanit nakkutigineqartuni tunniunneqartussat pinngitoorsinnaanngilai. Tassani pineqarput mittarfinnik atuineq (takuuk akitsuutit pillugit immikkoortoq 4.1), kisianni tamatuma saniatigut aamma sullissinerit arlaqarput, soorlu assersuutigalugu timmisartut ilaasullu sullinnejqarneri, timmisartumut ikummatissamik pissarsisinnaaneq aamma

suliaqartumik. Pileraarut nunap immikkoortuini aggulugaavoq aammalu Illoqarfii pingaarnersaani aamma Danmarkip kippasissortaani suliniuteqarnerit suliarineqarlutik. Mittarfii saniatigut aamma ilaatigut Visit Denmark Global Connected-imisiliaqartuuvooq

¹⁷ Oqaaseq "nittarsaassinermut tapersiineq" amerlanertigut "akitsuuteqartitsinnginnermut" atorneqartapoq, kisianni matumani tapersiinerit assigiinngitsut marluk, tamarmik immikkut imaluunniit ataatsimoortillugit tunniunneqarsinnaasut pineqarput.

aqqutip/ornigassap nittarsaanneqarnera¹⁸. Namminersorlutik Oqartussat ingerlatseqatigiiffiini allani akikikillisaanerit aamma pisussaatisinnginnerit atorlugit timmisartumik aqqutissap ingerlanneqarneranut toqqaangngitsumik tapiissuteqartoqarsinnaavoq. Taamaattoq tapersiinerup taassuma peqatigisaanik ingerlatseqatigiiffiini isertitassaarutsitsinnginnissaq tassani eqqumaffigineqassaaq.

TAPERSIIVOQ	AKERLIUVOQ
<ul style="list-style-type: none"> - Kinaassusersiunnginneq aallaavigalugu tunniunneqarsinnaavoq, taamaaliornermi timmisartumik angallassisarifiutileqatigiiffiit periarfissaasut naliqissinneqassallutik - Ukiunut aalajangersimasunut aalajangersarneqarsinnaavoq 	<ul style="list-style-type: none"> - Tapersiinerup ingerlatani allani eqqarsaatigineqanngitsuni iluaqsiisinnaanera aarlerinaateqarpoq - Ingerlatseqatigiiffiit allat isertitassaarutsinnejqassapput - Ersarissuutitsineq annaaneqarsinnaavoq - Transfer pricing isiginiarneqartussaaratarsinnaavoq

Ilusiliaq 11: Namminersorlutik Oqartussat ingerlatseqatigiiffiisa allat iluanni akikillisaanerit nalilersorneqarnerat

4.7 Ilusiliat allat

Piginnittutut inissisimaneq

Namminersorlutik Oqartussat timmisartumik aqqutissaq nutaaq pillugu aalajangiinissamut allanik periarfissaqarsinnaapput. Pisortat piginnittuunerat taaneqartartoq "flag-carriers" (nunami namminermi timmisartumik angallassisarifiutileqatigiiffiit) inuiaqatigiinni sullissinerup aalajangersimasup attanneqarnissaanik pisariaqartitsinermi pisuusartoq, qaqutigoortuunngilaq. Tassaniissinnaavoq aqquutini niuerermik tunngaveqartumik ingerlanneqarsinnaangngitsuni timmisartuussisarnissamik kissaateqarneq. Taamatut ilusiliinermi unamminartoq tassaavoq ingerlatat amigartoorteqarfiusartut ingerlatanit sinneqartoorteqarfiusartunit aningaasalersorneqartussasarnerat (taperseeqatigiissitsineq), tamannalu angallaviit ilaanni niuerermik tunngaveqartumik timmisartuussisarnissamut tunngavissaqartuni unammilleqatigiinnermi ilaanissamut tunngatillugu timmisartumik angallassisarifiutileqatigiiffimmut aarlerinartortaqarsinnaavoq.

Timmisartumik angalanerup nalinginnaasumik namminersortunngorsarneqarnerani, timmisartumik angalanermi unammilleqatigiinneq annertusiartorpoq aammalu nunami namminermi ingerlatseqatigiiffiit immikkut inissisimanerat atorunnaariartorluni, taamaattumik ilusiliaq piujuarsinnaanani. Tamanna amerlanertigut ingerlatseqatigiiffiit nunami angerlarsimaffigisaanni niuerfimmi atorneqartarpoq aammalu Kalaallit Nunaanni niuerermik tunngaveqartumik angallavinni, niuerermik tunngaveqartumik ingerlatsinissaq isiginiarlagu piginnittuuneq atorlugu, ornitassani aalajangersimasuni attanneqarpoq.

Air Greenland AS-imi aktiaatit 37,5 %-ii taamaallaat Namminersorlutik Oqartussanit pigineqarmata, piginnittut allat¹⁹ akuutinnagit, ingerlatseqatigiiffik aqqutinik imaluunniit ingerlatassanik pisussaaffilerneqarsinnaangngilaq.

Ujartuinermut malittaasumut ingerlatitsisussanik ingerlataqalerneq

Timmisartumik aqquteqarnissaanik ujartuineq inuiaqatigiinni ingerlatanit pisuusarmat, timmisartumik aqqutissamut nutaamut aallarnisarnermut ikiorsiineq, aalajangersimasumik ujartuilernermut iluaquataasinnaavoq. Assersuutigalugu tassaasinnaavoq peqataasut aqqutissatut kissatigineqartumi tessani angalanissaat pisariaqarluni, ataatsimeersuarnernik annertunerusunik tulleriissaartunik, tikeraarluni angalanernik il.il. aaqqissuussinerit atorlugit.

Akileraarusiisannginneq

Timmisartumik angallassisarifiutileqatigiiffiup ingerlataannut arlalinnut, immaqa piffissami killilimmi, akileraaruteqartinnginnissa, periarfissaasussaavoq, ilaatigut tamanna Island-imi takornariartitsinerup ineriantorneranit ilisimaneqarpoq, tessani takornariartitsinermi suliaqarnerit piffissami ukiuni arlalinnik

¹⁸ Assersuutigalugu Mittarfeqarfii, KNI/Polaroil aamma Visit Greenland

¹⁹ Tassunga tunngatillugu takuuk Air Greenland-imut Naalagaaffiup piginnittut periusissia – Aningaasaqarnermut ministereqarfik "Naalagaaffiup Ingerlatseqatigiiffiutai", juni 2016, qupperneq 21ff kisalu ingerlatseqatigiiffiup aktiaatilinnut isumaqatigiissutai

sivisussusilimmi moms-imik akitsuutinillu akiliisitsiviusimanatik. Kalaallit Nunaanni moms-imik akiliisitsisoqartanngimmat, ilusiliineq tassaasinnaavoq akileraartarnermi aalajangersakkat immikkut ittut Kalaallit Nunaanni timmisartumik angallassisarfiutileqatigiiffinnut atuuttut qissiminggaarneqassasut imaluunniit isertitanut imaluunniit ingerlatami aalajangersimasumi amigartoortini, assersuutigalugu aqqummi nutaami ingerlatsineq, akileraarutitigut akikillisaasiinissamut periarfissaqarluni.

Niuerfimmi misissuinerni aningaasalersuineq aamma suliaqarneq

Timmisartumik aqqutissamik piareersaaneq, pingaartumik ornigassanut nutaarluiinnaat akornanni, niueqatigiinnissamut, paarlaasseqatigiinnissamut, eqqussuinermut/avammut nioqquteqarnermut periarfissaqarfiusut, takornariartitsarnermi periarfissaqarfiusunik il.il. sukumiisumik misissoqqissaarneqarnissaat pisariaqarpoq. Tamanna suliassaasinnaavoq annertooq annertuumik aningaasartuuteqarfiusussaq, timmisartumik angallassisarfiutileqatigiiffimmik ataatsimi taamaallaat pisariaqarani, kisianni iluaqutaasumik pisortanit aningaasalersugaasinnaalluni – toqqaannartumik imaluunniit toqqaannanngitsumik inuussutissarsiornermut siunnersuisooqatigiit, takornariartitsinermut siunnersuisooqatigiit allallu aqqutigalugit. ingerlatassaq taanna nittarsaassinermut tapersiisanermut suliassaqarfiup iluaniissinnaavoq.

4.8 Pisortat peqataaneranni killilersuutaasinnaasut aarlerinaataasinnaasullu

Ingerlatani tapiiffigineqanngitsumik ingerlanneqartuni ineriartortsinermi pisortat peqataaneranni arlalinnik killilersuuteqarsinnaavoq aarlerinartoqarsinnaallunilu, piumasaqaatinut killissaliussanik atuuttunik allangortitsisoqassanersoq naliliinermut ilaatillugu isiginiarneqartariaqartunik.

Aarlerinaataasoq/Killiliisoq	Ilimanaateqarnera	Sunniuttaa
Angallavinni atutereersuni ujartuiunnaartoqarnera (taaneqartartoq deviation)	Ilimanarpooq. Ujartuisoqalinngippat imaluunniit Amerikamit avannarlermit ujartuineq atutereersoq annertusiartunngippat, Danmark-imit aamma Island- imit angallavinni ilaasunik/nassiussanik annaasaqarnermik toqqaannartumik aqqutissaq nutaaq malitseqassaaq	Angallanneq tamarmiusoq annertunerulissanngilaq, kisianni ilaasut/nassiussat taamatupajaaq annertussuseqartut nuutinneqassapput, kisianni aqqutini arlalinni aggualutik taamaalillunilu ataatsip tunisassiarineranut atingaasartuutit ataatsimut katillugit qaffasinnerulerlutik.
Tapiiffigineqanngitsumik ingerlatanut, assersuutigalugu Keflavik-imut aqqutit, pisortanit unammillerneqartut	Ilimanaateqartorujussuuvoq, tassami København aamma Reykjavík/Keflavík, pisortanit tapiiffigineqartanngitsut aquaasarlugit nunanit tamalaanit ilaasut amerliartornerat ullumikkut ingerlavoq.	Unammilleqatigiinnerup equinnejarnera, tassani aqqutit ingerlatallu tapiiffigineqanngitsumik ingerlanneqartut arlallit, ukiorpassuit ingerlaneranni inerisarneqartut aammalu angallassisartut annaasaqarsinnaanerat aningaasaliinerilu akuullutik, ujartuisoqarunnaarnissaa niuerfeerunnissaalu aarlerinaateqarlutik unammilleqatigiinnermi ajornerusumi inisisimatinneqalissapput.
Piffissap aallarnisarfiusup kingorna ingerlaavartumik amigartoorteqartarneq	Amerikamut avannarlermut aqqutinik suliniuteqartarnermut oqaluttuarisaaneq aallaavigalugit tamanna ilimanaateqartorujussuuvoq.	Aqqutissani piujuartussamik ujartuisoqarnissaa anguneqassanngilaq aammalu pisortat taakkununnga atingaasalersuerusunneranni taamaallaat atuussinnaassallutik. Tapiissuteqarnermut ilusiliineq suna atorneqarnersoq apeqqutaaalluni, niuernermik tunngaveqartumik ingerlatsinermi

		annertunerusumik annaasaqartoqarsinnaassaaq.
Pisortat tapiissuteqartarnerisa malitsigisaanik niuernermik tunngaveqartumik ingerlatsinissap kajumigineqarunnaarnera	Ilimanataeqarpoq, tassami aqquummi amigartooruteqarnermik aallaaveqartumi aallaaviatigut niuernermik tunngaveqartumik ingerlatsinissaq kajungerineqassanngilaq.	Aqqutini niuerfinni atugassarititaasut tunngavigalugit akeqartitsisoqassanngilaq aammalu pisortat "isumannaallisaanerisa" malitsigisaanik, angallassisartoq ingerlatsinikkut annaasaqartinneqartussaanngimmat, niuerfinni ujartuinermilu ineriartortitsineq niuernermik tunngaveqartumik ingerlatsinissatigut sammineqassanani.

Ilusiliaq 12: Aarlerinaataasunik paasinarsisitsineq aamma nalilersuineq

4.9 Immikkoortumut inerniliussat

Namminersorlutik Oqartussat timmisartumik aqqutissanik nutaanik aallartitsinermut ikuunnissamut arlalinnik periarfissaqarput. Mianerineqartussat tassaavoq qanoq annertutigisumik niuerfinni suliaqartunik uumarissaasoqassanersoq aammalu qanoq annertutigisumik aporfissaliisoqassanersoq, assersuutigalugu timmisartumik angallassisarifiutileqatigiiffinni ineriartornissamut niuernermik tunngaveqartumik kajumissuseerutitsinikkut.

Tapiissutinut ilusiliinernut tunngatillugu inatsisitigut arlalinnik killiliisoqarpoq, pingaartumik nunani allani inatsiseqarfiusuni. Tassalu Kalaallit Nunaat ingerlatassamik aallartitsinissamut ikuunnissamut annertuunik periarfissaqartoq, taanna niuerfinni aammalu ornigassani attaveqarfifiligassatut kissaatigineqartuni tigulluarneqassasoq naatsorsuutigineqarsinnaanngilaq.

Ilusiliinerni ilaatinneqarput ilaatigut kiffartuunneqarnissamut isumaqatigiissutit aamma amigartooruteqarnernut qularnaveeqqusiuressat, Kalaallit Nunaanni attaveqqaqtigiiinnermi ilisimaneqareersut, kisianni aamma akitsutinik akiliisarnernut tapersiinerit, Namminersorlutik Oqartussat ingerlatseqatigiiffisa iluanni sullissinernut tikinneqartussanut akikillisaanerit, nittarsaassinermut tapersiinerit aamma inisanit neqeroorutigineqartunit inissaqartitsivissanik pisineq periarfissaapput, taakkunani pisortat toqqaannartumik peqataanerisa annertussusaat nikerassalluni.

5 Attaveqaqatigiinneq

5.1 Kalaallit Nunaanni mittarfinni attaveqaqatigiinnerup ineriertortinnejarnissaannut piumasaqaatinut killissaliussat

Namminersorlutik Oqartussat Kalaallit Nunaanni pisortat timmisartoqarfiinik atuinermut akiliuteqartarneq pillugu maleruagassanik aalajangersaasinnaapput, takuuk timmisartumik angalanermut inatsimmi § 71 kiisalu timmisartoqarfiiut pillugit Inatsisartut inatsisaanni § 8. Naalakkersuisut taamaalillutik timmisartumik angalanermut suliassaqarfimmi akigititanut akiliisarnernullu aqtsisuuapput, taamaalillutillu aqqutinik nutaanik aallartitsiniarnermut Kalaallit Nunaanni atugassarititaasunut killissaliussanut sunniisinnaallutik.

Timmisartumik angalanermik suliaqartut qanittumi allangortitsinernut malussarissuummata matumani maluginiassallugu pingaaruteqarpoq, tassami ilaatigut aqqutinik ineriertortitsinermi aningaasaqarneq aammal tamatuma malitsigisaanik aningaasaliinerit aamma atortunik nalikilliliinerit ukiuni arlalinni atugassarititaasunut killissaliussat aalajaatsuunerannit naleqqussaruminartutinnejarsimammata.

Atugassarititaasunut killissaliussat allangortinnejarnissaat mianersortumik isumaliutersuutigineqartariaqarpoq aammal piffissaqartitsiviulluartumik saqqummiunneqassallutik.

5.2 Mittarfiit nutaamik ilusiligaanerat

Nuummi, Ilulissani aamma Qaqortumi mittarfissat nutaat 2023-imi atorneqalertussatut sananeqarnissaasa tungaanut suliaqarneq maannakkut allartinnejareerpoq.

Mittarfiit nunatta illoqarfiani pingaarnermi aammal Avannaani illoqarfiiit annersaanni inissinneqartussat angalasut, kiisalu suliffeqarfiiut eqqussuisartut aamma avammut nioqquuteqartartut aningaasartuutaannik annikillisitsisussaapput. Tamanna takornariartitsisarnerup, niuernerup assartuussinerullu iluanni niuerfinnut nutaanut aqqutinik ineriertortitsinissamut kajumissaarutissaalersinnaavoq.

Mittarfinnik annertusaanermi inuiaqatigiit aningaasaqarneranni sunniutaasussanik nalilersuinermi, alloriarneq 2-imi inerniliisoqarpoq, Kalaallit Nunaannut aamma Kalaallit Nunaannit angallannerup allangortinnejarnera inuiaqatigiit aningaasaqarneranni iluanaaruteqartitsisussaasoq. Timmisartumik aqutissanik aamma BNP-imi siuariatornerup imminnut ataqatigiinnerannut tunngatillugu, attaveqaqatigiinnermi nutaami aningaasaliinerit arlalinnik malittaasunik sunniuteqassasut ilimagisariaqarluinnarpoq, ilanngullugu aqqutinik ineriertortitsinerup annertunerulersinnaanera.

Sunniinerit taakkua, pisortanit tapiissutinik akilerneqartumik ineriertortitsinani, niuerfimmi ingerlanneqartumik ineriertortitsinermut iluaqtaasumik, angallavinni nutaani aqquteqalernissaanut tunngavissiisinnaapput.

6 Niuernermi pissutsit

6.1 Kalaallit Nunaanni piumasaqassuseq

Kommuneqarfik Sermersooq aamma Avannaata Kommunia mittarfissani nutaani pisariaqartitat soqtigissallu paasiniarlugit 2018-imi marluullutik kommuniminni niuernermi pissutsinik misissuipput, toqqaannartumik ornitassanut nutaanut angalanermi pisariaqartitat pingarnerutilugit. Misissuineri marluusuni siunnerfigineqartut tassaapput suliffeqarfiiit inuussutissarsiornermik ingerlataqartut ilaatigullu pisortani immikkoortortaqarfiiit.

Misissuineri marluusuni akissuteqartussat ilaatigut Amerikamut avannarlermut angallavinni toqqaannartuni pisariaqartitaat periarfissallu takusinnaasaat pillugit toqqaannartumik aperineqarput. Suliffeqarfiiit 215-it misissuinermut peqataapput (38-t Kalaallit Nunaata avannaani aamma 177-it Sermersuumi).

Misissuineri Avannaata Kommunianit ingerlanneqartumi Avannaata Kommuniani aamma Kommune Qeqertalimmi suliffeqarfiiit soqtigisaqartullu siunnerfigineqarput. Inerniliinermi oqaatigineqarpoq: "Mittarfiiit 2.199 meterit tunngavigalugit annertusaanissamut periarfissat ataatsimut isigalugit isumalluarfigineqarput, kisiannili nunanut tamalaanut angallaviit amerlanerusut sunut atorneqarsinnaanerinut toqqaannartumik attaviliisoqarsinnaanersoq ilimanaateqanngilaq. Tassani angalanermut aningaasartuutit appasinnerunissaat atuinerup pitsaanerulermissaanut toqqaannarnerulermissaanullu sanilliullugu aallunneqarnerusutut isikkoqarpoq. Kalaallit Nunaata avataanut Danmark suli angallavittut pingarnerusussatut isikkoqarpoq."

Aamma Kommuneqarfik Sermersooq assingusumik inerniliivoq: "Mittarfiiit tallineqarnerini toqqaannartumik timmisartuussisarnermi periarfissaniit angalanerit akikinnerusut pilersinneqarnissaannik naatsorsuuteqarneq aallunneqarnerusutut isikkoqarpoq. Takornariartitsinermi ilaatigut ornitassanut nutaanut toqqaannartumik timmisartuussisalernissaq isumalluarfigineqarpoq. Kisiannili maluginniarneqartariaqarpoq Danmarkimut timmisartuussisarnerit suli aallunneqartariaqartutut pisariaqartinneqartutullu isikkoqarmata. Timmisartuussisarneq toqqaannartumik ingerlanneqalerpat avammut niuernerit angalanerillu suliffinnut attuumassuteqartut amerlanerulermissaanut isumalluarfigineqartut takuneqarsinnaavoq – oqaatsimut *avammut niuernermut* aamma takornariaqarneq ilaatinneqarpoq. Tamatuma saniatigut Nuummi mittarfiup takinerulernerata inuussutissarsiornermut, ilinniarfinnut, kulturimut suliffeqarnermullu sunniuteqarluarnissaa naatsorsuutigineqarpoq."

Misissuinerit ingerlanneqartut tunngavigalugit nunap iluani niueruteqarnermut tunngatillugu Amerikap avannaanut toqqaannartumik aqquteqalernissaq annertuumik soqtigineqartutut oqaatigineqarsinnaanngilaq. Tamatuma saniatigut suliffeqarfiiit amerlasuut Danmarkimi/Europami pilersuisoqartut, aammalu pilersuisuminnik Amerikap avannaaniittunut taarsiinissamut assigiinngitsunik akimmiffissaqartut maluginniarneqassaaq (ilaatigut tamanna pillugu imm. 6.1.1.3 takuuk).

6.1.1 Niuerfinnik misissuineq

Allakkiap matuma suliarineqarneranut atatillugu 2019-imi maajimi ilaatigut Kalaallit Nunaanni suliniaqatigiiffiit pisariitsumik apersorneqarput, Amerikap avannaanut angallavinni toqqaannartuni angallavinnik *pisariaqartitsinermi* aammalu angallavinnut *kajumissuseqarnermi* periarfissat paasiniarlugit. Aalisarnermik suliaqartut, naalagaaffiup allamut attaveqarfii, pisortat immikkoortortaqarfii, aatsitassarsiorfii/aatsitassarsiornermik suliaqartut, assartuussinermi immikkoortortat, aningaasaliisarnermik immikkoortortat takornariaqarnermillu suliaqartut oqaaseqaatinik pissarsiniarfingineqarput. Suliffeqarfiiit uku tusarniaaffigineqarput: Polar Seafood, Royal Greenland, TELEPOST, Air Greenland, Royal Arctic Line, GrønlandsBANKEN, Sulisitsisut, Nunanut Allanut Naalakkersuisoqarfik, Greenland Escape, Kommuneqarfik Sermersooq aamma Xploration Services.

6.1.1.1 Pisariaqartitat

Suliffeqarfiiit aperineqartut amerlanersaat namminneerlutik angalatitsisarnerat isigalugu ukiumut angalanissanik pisariaqartitsinngillat imaluunniit angalanerit qulit inorlugit pisariaqartitsillutik. Peqataasut tamarmik ilisimatisipput, pisariaqartitsinerit pingarnerit ukumoortumik saffugassat aatsitassanillu

ujarlertarnerit pillugit nusitsinermut PDAC-mut, kalaallinit peqataaffigineqangaatsiarluni Torontomi ingerlanneqartumut atatillugu pisartut.

Takornariaqarnermi saffiugassanillu ujarlernermeri aaqqissuussaanerit imminermanni killilinnik pisariaqartitsisarput, kisiannili Amerikap avannaaniit sullitanik, soorlu North American Nickel-iminngaanneersunik tikeraartoqartarlutik (ukiumut angalanerit 70-it missaanniittut). Tamatumma saniatigut Amerikap avannaaniit takornariat soqutiginnittut amerliartorput, tamannalu Kalaallit Nunaanni Naatsorsueqqissaartarfimmiit uppernarsarneqarsinnaavoq (najoqqutarisaq: TUDFLY).

Suliffeqarfiit aperineqartunit angallavimmik aalajangersimasumik pisariaqartitsisoqvippasinnilaq, aammalu sullitat, suleqatit takornariallu allat piumasaqarnerat suli amerlassutsimikkut aalajangersimasumik angallaveqalernissamut nammattutut isikkoqanngillat.

Suliffeqarfiit amerlanernit ilisimatitsissutigineqarpoq, toqqaannartumik angallaveqalernikkut suliaminnut tunngavissatik annertuumik allanngortinnejartussaangngitsut.

6.1.1.2 Kajumissuseq

Suliffeqarfiit Amerikap avannaanut angallavinnik pisariaqartitsinermennik soqutiginninermennillu saqqumiussisut oqaatigaat, piffissaq sipaagassaq pingaarnertut aallaavigineqartoq. Suliffeqarfiit ataasiakkaanit ilisimatitsissutigineqarpoq, angalarnerit ikittut piffissamik atuiffungaatsiartartut, aammalu piffissap angallaviup sivisunera peqqtigalugu ataatsimiinnernut ikittunut ulla amerlasuut immikkoortinneqartariaqartartut. Suliffeqarfiit ikittut Amerikap avannaani suleqateqarput, suleqateqartullu nalinginnaasumik suliassatik suleqatinut suliakkiuttarpaat, taamaalillunilu angalanissamik pisariaqartitsineq annikillisinnejartarluni.

6.1.1.3 Akimmifissat

Suliffeqarfiit arlalinnit ilisimatitsissutigineqarpoq, niueqatigiinneq eqqarsaatigalugu Amerikap avannaaniit soqutiginnineq killeqartoq. Ilaatigut ilanngaaeserinkkut akimmifissanik, Amerikap avannaaniit nioqqutissanik pisinermi akinik aalajangersasarnermut sunniuteqartunik peqarpoq, ilaatigullu pisut ataqatigiissut amerlanersaanni, soorlu sarfap sakkortussusia, oqaatsit, pitsaassutsit naliginnaasut, akuersissuteqarnerit, pitsaassutsit, inuussutissanut maleruagassat, inatsisit (taakkununngat atuisunut maleruagassat ilanngullugit), tapersersorteqartarerit il.il. eqqarsaatigalugit Kalaallit Nunaat Europami nunatut isigineqartarluni (imaluunniit niuerfittut Europamut atasutut). Tamanna Amerikap avannaanut annertuumik niueqateqarnermik aallartitsinissamut unammillertitsisarpoq.

6.1.1.4 Ornitassat

Suliffeqarfiit, Amerikap avannaanut angallavinnik soqutigisaqartut ilaatigut ilisimatitsissutigaat, mittarfiit attuumassuteqartut Amerikap avannaata kangiatungaaniissasut, aammalu taakku "akunniffissatut" qitiusutut atorneqarsinnaasut (tassalu mittarfittut, Amerikap avannaata ilaanut pitsaasumik attaveqarfiusinnaasut). Iqaluit soqutiginaatillittut isigineqanngilaq, Iqalunniit Amerikap avannaata sinneranut timmisartuussinermut akit qaffasissorujussuartut, pisullu ilaanni Island/Danmark aqquaarlugit ornitassanut pineqartunut angalanernut sivisunerusunut unammillersinnaasutut misigineqarneq ajormata. Iqaluit imminermanni kulturip saniatigut tunngavissat allat isigigaanni ornitassatut soqutiginartinnejeqanngilaq.

6.2 Amerikap avannaanut piumasaqassuseq

Allakkiap matuma suliarineqarneranut atatillugu USA/Canadami niuerfiit misissuiffigineqanngillat. Misissuinernik taamaattunik ingerlatsinissaq annertuujuvoq, tunngaviusumillu ersarissumik killiligaasariaqarput aammalu niuernermik ingerlataqartunit suliarineqartariaqarlutik. Amerikap avannaani niuerfiit amerlapput aammalu misissuinerit siunnerfilerneqarnissaat pingaaruteqarluni. Amerlanerungaatsiarnerisa saniatigut aamma Kalaallit Nunaanni misissuinermut naleqqiullugu sullisisut amerlanerusut attaveqarfigineqartariaqarput.

Silaannakkut angallasseqatigiiffiit imaluunniit takornariaqarnermut siunnersuisooqatigiiffiit amerlanertigut nunami, angallavimmik pilersitsivigerusutami najukkani niuertoqatigiinnut akuutitsisartussaapput. Soorlu Air Greenland imaluunniit Visit Greenland taamaallutik misissuinernik taamaattunik ingerlatsinissamik kissaaeqassappata, Namminersorlutik Oqartussat niuertoqatigiinnut attaveqarlutik ikuussinnaapput, Namminersorlutik Oqartussat Naalagaaffeqatigiinnermut atasutut nalinginnaasumik sullisisunut namminersortunut naleqqiullutik danskit niueqatigiivini, sinnisoqarfiini aallartitaqarfiinilu akikinnerusunik akeqartinneqarmata²⁰.

Oqaluttuarisaanermi piumasaqassuseq (imm. 2.2.2 takuuk) aammalu Iqalunnut aamma Baltimore/Washingtonimut angallavinnik maannarpiaq piumasaqassuseq misissoraanni, taaku killilimmik soqtigineqartut inerniliissutigineqarsinnaavoq, taakkuli piumaneqarnerat arlaatigut annertusiartortut isikkoqarpoq. Amerikap avannaaniit Island aqqusaarlugu Kalaallit Nunaannut angalasut, imaluunniit Islandimut angalanerminni Kalaallit Nunaanni ilangussiinnartut misissuiffigineqarsimangillat.

Misissuineq Teresa-mik taaneqartoq, siusinnerusukkut oqaatigineqartoq atorlugu naatsorsuinermi sapaatit akunnerannut ilaarusuttut Iqaluit aamma Nuup akornanni 33-upput aamma Nuuk-Iqaluit akornanni 32-iullutik. Angallavik pilersinneqarmat tamanna eqquutinngilaq.

Canadamiit ilinniartut Sisimiuni aatsitassarsiornermut ilinniarfimmi ilinniarusussinnaanersut, tamannalu angallavimmik pilersitsinssamut tunngaviliisinnaanersoq Naalakkersuisut aperineqarput. Tamanna aalajangersimasumik misissuiffigineqanngilaq. Canadap aatsitassarsiornermi siuttut ilaattut aatsitassalerinermi aatsitassarsiornermilu ilinniartitaahermut neqeroorutinik, Kalaallit Nunaanni atugaasunit pitsaanerusunik annertunerusunillu peqarnissaa tamatumunnga tunngavigineqarpoq. Tamatuma saniatigut ilinniartut ikinnerungaatsiarsinnaanerat, aammalu ilinniartut nalinginnaasumik angalanissamik pisariaqartitsisarnerisa akuttusarnerat, taamaattumillu piffissap ilinniarfiusussap aallartinneranut naaneranullu atatillugu angalasarnissaat tunngavigineqarpoq. Kalaallit Nunaata/Danmarkip avataani ilinniartut nalinginnaasumik ilinniarnitik namminneerlutik aningaasalersortarpaat, taamaattumillu Canadami ilinniartut ilinniarfimmi, akisuumik, ajornakusoortumik sivisuumillu angalaffiusussamiittumi ilinnialernissamut mianersornerunissaat naatsorsuutigineqartariaqarpoq.

6.3 Silaannakkut angallasseqatigiiffiit aalajangersimasumik soqtiginninnerat

Silaannakkut angallasseqatigiiffiit amerlanersaasa akuttunngitsumik timmisartuussivissat nutaat allakkiami matumani isummersuutit tunngavigalugit periarfissat misissuiffigisarpaat. Ingerlatseqatigiiffiit, soorlu Norwegian, SAS, First Air, Ryan Air il.il. Kalaallit Nunaannut angallavinnut periarfissanik misissuisarsimapput, kisiannili ornitassanut kissaatigineqartunut toqqaannartumik timmisartuussisoqarsinnaanngimmat mittarfiit naatsut aalajangersimasumik angallaviliinissamut akimmiffigineqarsinnaasutut nalinginnaasumik inerniliissutigisarpaat, tamatumanili Kangerlussuup/Narsarsuup ornitassallu akornanni nunap iluani timmisartuussinerit apequtaasarmata.

2023-mi Kalaallit Nunaanni mittarfiit nutaat atulernissaannut suli angalanissanut pilersaarutinik naqitaqartoqanngilaq. Toqaannartumik timmisartuussinermi akimmissat ilaasa (mittarfiit naatsut) peerneqarnerinut atatillugu niuerfiit misissorneqarnissaanut soqtiginnitoqassasoq naatsorsuutigineqarpoq. Kisiannili silaannakkut angallasseqatigiiffiit attuumassuteqartut arlaannaataluunniit maannarpiaq angallavimmik pilersitsisoqarnissaa upternarsarumanngilaat itigartikkusunnaguluunniit, kisiannili aalajangiisoqavitsinnagu pisariaqartinneqartunik misissuerusupput.

²⁰ Kalaallit Nunaat Washington DC-mi daskit aallartitaqarfianni, aammalu Amerikap avannaani niuertoqatigiinni Torontomi inissimasumi sivisuumik Namminersornerullutik Oqartussani/Namminersorlutik Oqartussani sulisimasumik sinniisuuqitaqartoq, taannalu ataatsimut isigalugu Kalaallit Nunaannut soqtigisaqartoq maluginiarneqarpoq.

7 Inerniliussaq

Ilaatigut Kalaallit Nunaata tikikkuminarnerulersinneqarnera inuiaqtigiiit aningaasaqarneranni pitsasunik iluaqtissartaqassasoq naatsorsuutiginninnej aallaavigalugu, Naalakkersuisut nunatsinnut timmisartumik aqqutnik uummarissaanissamut tunngavissiinissamullu tunngaviusunik misissuipput.

1970-ikkunnili Amerikap avannarliup aamma Kalaallit Nunaata akornanni aalajangersimasumik timmisartumik aqquteqarsimavoq, ukioq tamaat ingerlanneqartumik imaluunniit ukiup ilaani ingerlanneqartumik. Maannakkorpiaq aalajangersimasumik aqquteqanngilaq. Siusinnerusukkut aqquaasimasut ilaasunit aamma nassiussisartunit ujartusoqannginnera pissutigalugu attanneqarsinnaasimannngillat.

Kalaallit Nunaanni Amerikamut avannarlermut ornigassanut angallavimmi aqquteqarneratigut imaluunniit attartukkamik timmisartuuussinermik pilersitsinissamut inatsisitigut imaluunniit politikkikkut aporfissaqanngilaq. Taamaattumik angallavimmi aqquteqalernissaanut naliliineq taamaallaat niuernermik tunngaveqartumik isumaliutersuutaasussaavoq, tassani niuerfimmi pisisinnaassuseqartoqarnera pingaartumik tunngavissaassalluni. Angallavimmi aqqutissamik nutaamik aallartiseqqaarneq piffissami aallarnisarfiusumi aningaasaqarnikkut imminut nammassinnaaqqaariarluni (break-even/"0-nngorluni"), ingerlatseqatigiifflup taassuma angallaviini ingerlataannilu allani angusinnaasaannut naapertuuttumik, timmisartumik angallassisarfiutileqatigiifflum sinneqartooruteqartitsilersinnaassaaq.

Timmisartumik angalanissanik ujartuineq, inuiaqtigiiinni allanik ingerlataqarneq apeqquaalluni malittaasumik ujartuinerusarpoq. Timmisartumik angalanissaq imminermini pilerinaateqanngilaq, kisianni ingerlatassamut tunngavissiussaalluni, soorlu ornigassami angallavimmi ilaatinneqartumi niuerneq, tunisassiorneq, takornariartitsineq, naalagaffimmut attaveqarnerit il.il. Aqqutissami aningaasaliineq inuiaqtigiiinni imminermini siuariartortitsisinnaangilaq, kisianni siuariartornermut ingerlareersumut tunngavissiisinnaalluni.

Allakkiami timmisartumik aqqutissanik nutaanik uummarissaanissamut imaluunniit tapersiinissamut perarfissat misissorneqarput, aammalu inerniliisoqarpoq Namminersorlutik Oqartussat tamatumunnga arlalinnik perarfissaqartut, kisianni inatsisitigut killiliinerit aamma niuerfinni suliaqartut tunngavissaapput isiginiassallugit pingaaruteqartut. Eqqarsaatigisassaq pingaaruteqartoq tassaavoq, laatigut niuerfinni suliaqarneq qanoq annertutigisumik uummarissaavigineqassanersoq aammalu qanoq annertutigisumik kigaalaqusersorneqassanersoq, assersuutigalugu timmisartumik angallassisarfiutileqatigiifflini ineriartortitsinissamut niuernermik tunngaveqartumik ingerlatsinissaq kajumissuseqarfiquunnaarsillugu.

Tapiissutinut ilusiliinernut tunngatillugu inatsisitigut arlalinnik killiliisoqartussaavoq, allakkiami paasinarsisinneqartuni. Nunani tamalaani timmisartumik aqqutissat minnerpaamik nunani inatsiseqarfinni marluunni attuumassuteqarfigineqartussaapput, aamalu suliassaqarfimmi inatsisilerineq inatsisillu aqqutip isuini tamaginni assigiinngitsuni assigiinngitsusuinnaanerat eqquaffigissallugu pingaaruteqarpoq. Tassalu Kalaallit Nunaat ingerlatassanik aallartitsinermut ikuunnissamut annertuunki perarfissaqartoq, niuerfinni ornigassanilu attaveqarfigiligassatut kissaatigineqartuni assingusumik ikornejqarnissaq naatsorsuutigineqarsinnaanngilaq.

Tapiissutinut kajumissuseqalersitsiniarnermullu ilusiliinerni ilaatigut ilaapput kiffartunneqarnissamut isumaqatigiissutit aamma amigartoorteqarmernut qularnaveeqquissat, Kalaallit Nunaanni attaveqaqatigiinnermi ilisimaneqareersut. Kisianni aamma akitsuutinik akiliisarnernut tapersiinerit, Namminersorlutik Oqartussat ingerlatseqatigiifflisa iluanni sullissinernut tikinnejqartunut akikillisaanerit, nittarsaassinermut tapersiinerit aamma inissanik neqeroorutigineqartunik inissaqartitsinissanut pisinerit perarfissaapput, taakkunani pisortat toqqaannartumik akuunerisa annertussusaat nikerarluni.

8 Ilangussat

8.1 Innersuussiviit allakkiat aamma atuagassiat

Matuma kingulianiittut tassaapput innersuussiviit allakkiat aamma atuagassiat attuumassuteqartut allattorsimaffiat. Allattukkat tamakkiisuunngillat.

- Air Greenland (2017), Ukiumoortumik nalunaarusiaq
- Ataatsimoorluni timmisartumik angallassinermik ingerlatsinermut maleruagassat ataatsimoortut pillugit Europa-Parlamentip aamma Siunnersuisooqatigiit peqqussutaat (EF) nr. 1008/2008, 24. september 2008-imeersoq
- Holloway, Stephen, (2005) *Straight end Level: Practical Airlines Economics*, Ashgate, 2nd edition
- GrønlandsBANKEN, (2018), *2017-imut ukiumoortumik nalunaarusiaq*, Copenhagen Economics
- Namminersornermut isumalioqatigiissitaq, (2008), *Kalaallit Nunaata-Danskit Namminersorneq pillugu Isumalioqatigiissitaliaata Kalaallit Nunaanni namminersorneq pillugu isumaliutissiissutaa*
- Angallannermut ministereqarfik aamma Kalaallit Nunaanni Naalakkersuisut, (2004), *Kalaallit Nunaanni timmisartuussinissamut siunissami piumasaqaatinut killissaliussat*
- Assartuussinermut Illuutinullu ministereqarfik, (2016), *Timmisartumik angalanerup Danmarkimut inuaqatigiit aningaasaqarneranni pingaaruteqarnera*
- Assartuussinermut, Illuutinut Ineqarnermullu ministereqarfik, Nunanut allanut ministereqarfik, Aningaasaqarnermut ministereqarfik aamma Inuussutissarsiornermut ministereqarfik, (2017), *Danmarkimut timmisartumik angalanermut periusissiaq*,